

文章附讀書

正直附書

詩律附歌調對耦德量

聰敏


恬雅

獎誦

休逸

鑑識
附先見

見 睫 錄 六



見曉錄卷之六

文章

許天使國求觀我國文集奇高峯大升以李相國韞及牧隱佔
俾四佳集投進天使遍閱獨取牧隱集吟咏不釋臨還賫去
及歸中國因通事洪純彥又請累秩倭使玄方之來亦請牧
隱集而去倭人亦知文章高下

以客間語

徐四佳居正秉文衡至二十年之久故金佔俾宗直姜晉山希
孟李三灘承召皆不得為之當時言者謂公不宜久典文柄
公聞之曰我遞則誰當任此或言公與金姜不相好恐衣鉢
傳於二公不遞云

芝峯類說

文章衣鉢相傳自有故事權文景躋主文衡病劇物議在鄭文
成隣趾權乃囑安文靖止而卒文靖代之未幾文靖罷而文

成主之 華苑雜記

權丞旨採早以文章鳴世早歿金將軍自雄深惜之朴舍人以
昌曰子無患主文之無其人牧隱逝而陽村主之陽村逝而
春亭主之春亭逝而尹大提學主之提學逝而權止齋主之
止齋若逝南秀文必主之秀文若逝我亦在我逝將軍亦在
何患採之早歿乎其論文章日就卑下之意隱然言表

上同

金永崖守溫字文良登文科魁重試拔英登俊試官至判府謚
文平公好學不倦博覽強記經史子家列莊老佛之書靡幽
不探詩又豪健深得老杜骨髓性不拘檢押韻不整故皆謂
詩不如文其實兩贍也有拭疣集

本傳

金慕齋安國為大學士時出必以書冊自隨所至講論不輟其
篤於文學如此每撰事大表文獨坐搆思得一好句則雖夜

輒起手敲窓壁踊躍不已後於病中撰出表文過用心氣斯
頓以卒

芝峯類說

金東峯時習常眇視一代文章只服乖崖之文四佳之詩聞洪
涵虛主文柄貽書南秋江曰天下可笑事貴達主文柄也

成廟嘗命文官解杜詩東峯訶曰何物老漢敢釋老杜子或
曰佔俾金先生主張也東峯曰宗直比和七月狗才揩眼耳
常以藁索縛東坡詩曳而披閱曰此我家餽優也

沙村筆談

保間齋申叔舟二樂享用漑企齋光漢三世以文章主文姜通
亭淮伯玩易齋碩德仁齋希顏三世以文章大鳴

小華詩評

許氏自麗朝埜堂以後文章代出奉事瀚生暉是為草堂草堂
生三子其二錡筠季女跼蘭雪軒瀚之從叔中樞輯再從兄
文貞公琛忠貞公琮皆以文章鳴世或傳許氏祖山王柱長

丈餘筠椎碎之文章遂絕云

上司

我朝之文大不如前麗稱名家者三永崖佔碑及近代簡易三家短長余於簡易集序畧論之佔碑似最優以其詞理備耳簡易文高處揜前人下者底蘊畢露令人易厭

谿谷漫筆

崔簡易文章鳴世人謂詩非本色然其豪橫深厚不及蘓齋而鑱畫矯健過之其警絕處聲響若出金石非後來詩人所及石洲嘗問曰當今文章固有吾丈詩則當推何人蓋其意必許已也簡易瞑目良久曰不知老夫死後何人擅揚耳石洲憮然其負如此

農巖集

權石洲鞞字汝章才思絕倫酒後嘗多戲言論文殊無定價鄭畸菴問其本色荅曰自國初至今或有述作過我者若其心眼俱到透得妙解無如我者其自負不淺

畸菴集

崔簡易眼下無文每稱栗谷吐辭成章膏中流出人不可及云

栗谷集

任疎菴叔英文章奇古其庭對策乃前代所無駢偶則專學六朝體嘗製統軍亭夜宴序華人騰播中國閣老葉向高見而奇之購其全集類說

宣廟辛丑詔使東出李月沙廷龜時年三十八以禮判兼大提學為價接使吏曹正郎朴南郭東說禮曹正郎李東岳安訥吏曹佐郎洪鶴谷瑞鳳為從事官濟用正金南窓玄成校書校理車五山天輅加平郡守韓石峯漢幼學權石洲韓以製述官隨行李五峯好閔李芝峯晬光鄭守夢曄以迎慰使先後來去簡易崔笠寄詩相酬可謂極一時之奇才也野言谿谷之文典則理致雖近宋大家然失之太平緩宋文如歐公

雖若寬平和緩而其封事奏劄指陳利害摸寫事情委曲深
功刺骨透髓令人主聽之不得不動開心悟其序記碑誌祭
文等文風神迢麗音調宕逸俯仰感慨一唱三歎徃々嗟唏
欲絕谿谷一味平緩全無激切處為疏章則不足以動人主
為碑誌則無風神色澤為祭文則無悽愴嗚咽蓋其天資寬
厚得之又容易不曾致深沈之思故所就者然耳尊尚其文
以為圓熟渾成絕無斧鑿瑕類可指擬此姑即其所就者言
之則可耳若比古人正見其疲菑不及安得無可議也

農巖集

國朝以來典文衡權近下季良尹淮權隄安止鄭隣趾申叔舟
崔恒徐居正魚世謙洪貴達成覩金勘申用漑南袞李荇金
安老蘓世讓金安國成世昌申光漢鄭士龍洪暹鄭惟吉李
滉朴忠元朴淳盧守慎金貴榮李珥李山海柳成龍李陽元

黃廷或李德馨尹根壽洪聖民李恒福沈喜壽柳根李好閔
李廷龜李甬瞻申欽金湓張維鄭經世崔鳴吉洪瑞鳳金尚
憲李植李景奭鄭弘溟趙綱李明漢趙錫胤蔡裕後尹順之
金益熙李一相金壽恒趙復陽金萬基李端夏金錫胄閔點
南九萬李敏叙金萬重南龍翼閔黯權愈朴恭尚崔錫鼎吳
道一李畚徐宗恭崔奎瑞金昌協宋相琦李寅燁姜銳金樸
李觀命李光佐趙泰億李緯李宜顯李秉常尹淳趙文命李
直望李德壽吳瑗李匡德

附讀書

金永崖守溫少時從人借書抽取一張藏諸袖而誦之誦已卽
棄故誦一秩則一秩盡亡申文忠叔舟有受賜古文選愛之
不離手公愚借之踰月申公往見片，塗壁烟熏莫下申問

之曰吾嘗卧而誦之每有書籍床寢其上

本傳

成真逸侃字和仲博覽廣記無書不讀聞隣家有遺經僻書必求見乃已徐四佳直集賢殿公求見秘書許之終夜長燈不交一睫閱之幾盡後言閣中書籍體製不少差後登第入集賢長坐閣中左右書史晝夜盡閱同列以書淫傳癖譏之然讀書過勞消瘦年三十卒

本傳

宋圭菴獐壽自少好學手不釋卷奠鴈之夕明燭讀書人謂書

淫長貧胡撰

趙重峯自幼嗜學雖隆冬盛寒衣履盡破而忍苦從師每禾熟時以親命守禾田間隣兒同學者亦各誦所讀至夜深他兒皆睡先生終夜誦不輟他兒睡中聞誦聲驚起每恨其不及稍長以農為養就田間橫木為架而置書秉燈讀之日以為

常牧牛田間執書隨之且行且看天雨則披卷於簑笠之下
潛心探賸有時失牛所在每日採薪烘于親厨烘訖火殘則
搜灰燐火而讀之火盡乃已

抗義新編

李士亭之菴嘗訪成先生于溪上規之公疾如許而雖書不止
殆於成癖昔唐明皇溺色忘身人皆笑之今公耽書以增疾
夫書與色清濁雖殊殘生傷性一也今日經子聖賢之言亦
公之尤物也先生笑而謝之

年譜

詩律附歌調

對耦

太祖大王潛邸時上高峯有詩曰引手攀蘿上碧峯一菴高卧
白雲中若將眼界為吾土楚越江南豈不容其弘量大度不
可以言語形容

東人詩話

太祖登白岳有詩曰突兀高峯接斗魁漢陽形勝自天開山蟠

大陸擎三角海曳長江出五臺筆力豪大可與大風爭雄小

華詩評

太宗咏團扇詩曰風榻倚時思朗月：軒憑處想清風自從削

竹成團扇朗月清風在手中國朝寶鑑

文廟在東宮時盛橘一盤賜玉堂諸臣噉盡而詩見盤面乃御製手書也詩曰旃檀偏宜鼻脂膏偏宜口最愛洞庭橘香鼻

又甘口香甘之喻豈責備臣隣之意耶詩評

端宗廢居寧越詩曰嶺樹參天老溪流得石喧山深多虎豹不夕

掩柴門語極悲涼詩評又詩曰一自寃禽出帝宮孤身隻影

碧山中假眼夜眠無假窮恨年恨不窮聲斷曉岑山月

白血流春谷落花紅天聾尚未聞哀訴胡乃幽人耳獨聰又每登梅竹樓使人吹笛聲達遠村樓中咏句云月白夜蜀魄

啾含愁情倚樓頭雨聲苦我心憂無聲雨無我憂寄語世上勞

苦人慎莫登春三月子規樓魯陵志

成宗見平陽碑文以詩尾之曰先朝身許國安危功在山河上
鼎彝爽氣空留圖畫裏英姿今想急難時石床苔覆山羊眠
案壠雲深夜馬嘶衰草月明涼露隔行人幾欲問為誰寤寐
英豪感舊圖今之意溢於辭表真帝王之言詩評

成廟孝友天至有賜介月山大君詩曰新介初嚼水晶寒兄弟
情親忍獨省每與大君陪王大妃入內陪宴故云謚峯類

仁廟進大殿春帖子詩曰杓指東方節候新風雲佳氣是良
辰樓前浮舞含書鳳花裏遊嘶保德獐白雪將殘知送臘青
芽欲吐覺迎春年二每被殊恩渥祝福端宜駕劣身典麗和
暢有太平氣像而臨御未滿一歲嗚乎惜哉上同

仁廟詩一家有兩婦巧拙百不敵拙者念其拙一日織一尺巧者恃其巧百尺期一日理髮學宮粧好逐花間蝶逐蝶又折花長笑拙者織秋風一夕至萬戶砧聲急拙者先裁衣歌舞堂前月巧者悔何及天寒翠袖薄寶鑑

宣祖咏臘梅花詩曰人事每從忙裏擾天心但覺靜無為上林臘月梅花發誰道窮陰閉塞時上句道破天人動靜之理下句顯有抑陰扶陽之意不但天藻之炳煥可見聖學之高明詩評

萬曆戊子奏請使俞泓奉皇勅及宗系改正會典以還山海關主事馬維銘贈詩曰國王恭帝命貢獻獨虔誠曉騎隨秦驛宵賒度漢營上林瞻繫鴈長樂聽啼鶯歸去無煩訟天朝自聖明使還奏之上命諸臣和惟李尚弘一聯喜氣長陵樹歡聲太液鶯外無可稱者乃下御製宗祏今始正莫謂是予

誠列朝功曾積諸臣惻幾營恩沾同大造歌競及流鶯願守
區區志千秋戴聖明時羣臣請上尊號故結句云：寶鑑

壬辰西邊時御製詩曰國破家亡日誰能郭李忠去邠存大計
恢復仗諸公慟哭關山月傷心鴨水風朝臣今日後寧復各

西東

類說

宣廟手書扇面賜王子師傳閔應祺曰撫劍中宵氣吐虹壯心

曾許奠吾東年來事業邯鄲步回首西風恨不窮

上同

仁祖在潛邸有詩一聯曰世上萬物人禽數天上三光日月星

造語奇偉詩評

孝廟在瀋陽次昭顯世子詩曰怨尤何敢及天人自恨無謀到
死濱此日還同燕質泣何時復睹漢儀新心懸鳳闕頻驚夢
蕊切龍庭殿見春寄語巖廊樞密地只令髯婦着衣中昭顯詩

曰時危久作未歸人家在長安漢水濱月白庭心花露風清泣
池面柳絲新黃鶯喚起遼西夢玄鳥來傳塞北春想像樓臺
歌舞地不堪回首淚沾巾辭句之間其強弱壯軟之氣迥然
不侔丙子錄

孝廟有詩曰我欲長驅十萬兵秋風雄鎮九連城大呼蹴踏天
驕子歌舞歸來白玉京辭意豪壯殆不讓於雪耻酬百王除
凶報千古之作而天不假聖籌齊志未就嗚乎痛哉詩評

金顧叟嘗言徐四佳曰高麗諸子辭麗氣富而体格生疎我朝
著述辭纖氣弱而義理精到熟優四佳曰豪將悍卒抽戈擁
盾談說仁義腐儒俗士冠冕章甫從容禮法君將何取申玄
翁云我朝文章非不蔚然輩出而比之麗朝則少遜李文順
報奎之宏肆李文靖之浩汗我朝未見以四佳之論觀之我朝

似優而以玄翁之言論之麗朝似勝今錄其七言近體各一首文順扶寧浦口詩流水聲暮復朝海村籬落苦蕭條湖清巧印當心月浦濶貧吞入口潮古石浪舂平作礪壞船苔沒卧成橋江山萬景吟難狀須倩丹青畫筆描牧隱即事詩幽居野興老彌清恰得新詩眼底生風定餘花猶自落雲移小雨未全晴牆頭粉蝶別枝去屋角錦鳩深樹鳴齊物逍遙非我事鏡中形色甚分明大抵麗朝規模大而近宋我朝格調近唐今以兩公之詩見之唐乎宋乎若定其唐宋則我朝麗朝優劣自判詩評

權陽村近嘗奉使朝天明太祖問朝鮮形勝仍命賦詩陽村卽製進太祖稱以老實秀才其咏金剛詩雪立亭二千萬峯海雲開出玉芙蓉神光蕩漾滄溟濶淑氣蜿蜒造化鐘突

兀崗巖臨鳥道清幽洞壑秘仙蹤東遊便欲凌高頂俯視鴻
濛一蕩膏鄭之升謂起頭寫出金剛直面上同

姜通亭淮伯玩易齋碩德仁希顏三世皆以文章大鳴噫自往
古能奕世趾義為難尤之於古僅得蘓杜二家而我東公獨
一家豈不偉哉通亭寄燈明師詩人情蟬翼隨時變世事牛
毛逐日新想得吾師禪榻上坐看東碧海粼粼玩易齋題僧
軒詩占斷烟霞心自閒茅茨高架碧巖顏飢殍睡無餘事
春鳥一聲滿山仁齋詠松詩堦前偃蓋一孤松枝幹多年老
作龍歲暮風高揩病目擬看千丈上青空格最高上同

六先生精忠炳烺隻字可寶固不必多也朴彭年詩十年身在
禁中天只有丹心魏闕懸西望白雲生眼底不堪歸興遠林
泉時公獲親在全義故云成三問夷齊廟詩當年叩馬敢言

非大義堂：白日輝草木亦沾周兩露愧君猶食首陽薇李
塏善竹橋詩繁華往事已成空舞館歌臺野草中惟有斷橋
名善竹半千王業一文忠河緯地答朴彭年借簔衣詩男兒
得失古猶今上頭分明白日臨持贈簔衣應有意五湖兩烟
好相尋柳誠源送別詩白山控海磨天嶺黑水橫坤豆滿江
此是李侯飛騎處刺者胡虜自来降愈應孚為咸吉道節制
使有詩曰將軍持節鎮夷邊沙塞塵晴士卒眠駿馬五千嘶
柳下秋鷹三百坐樓前倪侍講論嘗奉使東來見成公夷齊
詩大加歎賞曰不圖海外有此忠節之士也上同

成三問赴京時有人以白鷺障子尤詩而不示其本公走筆先
成二句雪作衣裳玉作趾窺魚蘆渚幾多時於是出畫示之
乃水墨圖也遂足成曰偶然飛過山陰縣誤落羲之洗硯池

其人大驚 稗官雜記

金東峯詩終日芒鞋信脚行一山行盡一山青心非有想奚形
役道本無名豈假成宿露未晞山鳥語春風不盡野花明短
筇歸去千山靜翠壁亂烟生晚晴非有道者豈有是語詩評
成夏山夢井題江亭曰爭占名區漢水濱亭臺到處向江新朱
欄大抵皆空寂携酒來憑是主人可謂達者之詞 類說

辛進士永禧家有文僖公詩集友人曰子之家集可以印行乎

曰我祖雖有能文名而家集所載無一可傳者嘗挽一門生

曰三十二而卒不幸同顏回此句外無佳者南秋江以為孝 本集

俞潘溪好仁 成廟朝最被殊遇及歸觀嶺南 上命中使

於中路搜其詩橐以來其登鳥嶺詩北望君臣隔南來母子

同上稱歎曰此人忠孝俱備 類說

鄭一蠹遊岳陽詩風蒲獵_亡美輕柔四月花開麥已秋看盡頭
流千萬疊孤舟又下大江流其氣像可見

岳陽花開皆晉
州地名同上

李希輔能文章號安分堂燕山嘗喪愛姬悼甚使諸臣挽之希
輔進一絕云宮門深鎖月黃昏十二鐘聲到夜分何處青山
埋玉骨秋風落葉不堪聞燕山覽之哀痛優其賞賚因此驟
至大官後時議薄之終至坎坷其春日偶吟詩錦繡千林鳥
亦歌天公猶自喜繁華門前枯木無枝葉春力無緣着一花
自傷之辭可見詩則絕佳

詩評

趙靜菴謫綾城縲囚中有詩曰誰憐身似傷弓鳥自笑心同失
馬翁猿鶴定嗔吾不返豈知身在覆盆中詞極淒切

上同

挹翠軒朴園燕山甲子被禍而死李容齋哀集時文印行于世
其詩天才甚高不犯人工如憑虛捕罔象永保亭曰地如拍

拍將飛翼樓似搖。不繫蓬北望雲山欲何極。南來衿帶此
為雄海氛作霧。仍成兩浪勢翻天。自起風暝裏如聞鳥相叫。
坐間渾覺境俱空。容齋曰其詩出人意表。自然成章。不暇雕
飾。殆于古希音。上同

翠軒詩如風從落葉蕭。過酒許山妻淺斟。春陰欲雨鳥相語。
老樹無情風自哀。怒瀑自成空外響。愁雲欲結日邊陰。夜深
纖月初生影。山靜寒松自作聲。一年秋興南山色。獨夜悲懷
缺月影。故人自致青雲上。老我孤吟黃菊邊。兩後海山皆秀
色。春還禽鳥自和聲。帆風飽與潮俱上。漁戶渾臨岸欲傾之。

等語悲壯老健清新警絕。如李奎報集中得。那有一語如此。農巖集

李容齋荇為詩和平純熟。優入神境。許筠稱為我國第一。其題
直舍詩。衰年奔走病如期。春興無多不到詩。睡起開窓花事

晚一番微雨落薔薇溫裕典則詞家上乘上同

金冲菴淨文章精深灝噩先輩稱為文先追秦詩學盛唐坐堂
禍流濟州仍賜死其至海南也題路傍松樹曰海風吹去悲
聲遠山月高來瘦影疎賴有直根泉下到雪霜標格未全除又
曰枝柯摧折葉鬢髻斤斧餘形欲卧沙望絕棟樑嗟已矣植
朽堪作海上槎韵格清遠蓋以自況而竟不保命棟樑之願
已矣仙槎之願亦絕上同

徐花潭詩將身無愧立中天興入清和境界邊不是吾心薄卿
相從來素志在林泉誠明事業恢遊刃玄妙機闕少着鞭主
敬功成方對越滿窓風月自悠然趙龍門昱和之曰至人心
跡本同天小智區二滯一邊說謾軒裳為桔桔從來城市卽
林泉舟逢急水難回棹馬在長途合受鞭誠敬固非容易事

誦君佳句問其然蓋花潭頗自許故勉之類說

李晦齋詩萬物變遷無定態一身閒適自隨時年來漸看經營力長對青山不賦詩又曰萬物得時皆自樂一身隨分亦無憂又曰待得神清真氣養一身還是一唐虞語意甚高此區區作詩者所能及也上同

鄭湖陰金剛詩萬二千峯領畧歸蕭蕭落葉打秋衣正陽寒雨燒香夜蘧瑗方知四十非無一句說金剛而猶膾炙上同

蘓陽谷世讓曰國朝以來代有作者各擅名家而未免偏邦氣習之陋不趨於流麗則失於組織湖陰奇古峭拔一洗萎陋可與唐之長吉義山並較才力云湖陰夜坐卽事詩擁山爲郭似盤中暝色初沈洞壑空峯頂星搖爭缺月樹巔禽動窺深叢晴灘遠聽翻疑兩病葉微零自起風此夜共分吟榻料

明朝珂馬軟塵紅真所謂高秋獨睡霽晚孤吟詩評

林錦湖亨秀製 仁廟挽詞曰天欲喪斯文臣胡際此辰忍

將今日淚重濕去年巾報效平生志攀髯未死身喬山功未

就南陽倍傷神蓋 中廟升遐未期 仁廟繼陟林為山陵

都監卽廳未訖而出為濟州牧使故云上同

退溪先生年十九歲詩曰邇來似源頭會已把吾心省太虛其

早年所得已如此也類說

鄭民秀落拓士也嘗遊朴淵瀑布衣冠藍縷有文士多集侮其

為人謂曰汝能作詩乎民壽書飛流直下三千尺疑是銀河

落九天諸人冷笑卽尾之曰謫仙此句今方驗未必廬山勝

朴淵乃大驚上坐而敬之類說一本謂成規蔡壽所作

盧蘓齋詩在 宣廟初最為傑然沈鬱老健莽宕悲壯深得老

杜格力後來學杜者莫能及蓋其功力深至得於憂患者為多十九年在海中只做得夙興夜寐箴解而亦未甚受用後日出來氣節太半消沮獨學得老杜如好耳

農巖集

蘓齋因送客醉後作一詩未成有蟬為兩所驅墜於席前即續之秋風乍起燕如客暮雨暴過蟬若狂似有神助

類說

蘓齋於仁廟在東宮時為右司馬晚年祭孝陵詩廟跡全心德陵名百行源衣裳圖不見社稷欲無言天靳中年壽人含萬古冤春坊舊僚屬惟有古司存一字一淚

上同

崔簡易豈文章鳴世人謂詩非本色而要亦蘓芝流其風置格豪橫質致深厚不及蘓齋而鍊畫矯健過之其警言絕處聲響鏗然若出金石非後來詩人所能及

簡易謾為一聯曰禽非易舌無陳語樹欲生花自好枝形容造

化之妙有活動意思余謂非禽無陳語簡易無陳語詩評

辛白麓應時嘗以弘文修撰入直時宣廟以海棠花下杜鵑

啼為題使諸學士製進白麓詩曰春盡棠花晚空山蜀鳥啼

隔窓聞欲老倚枕夢猶淒怨血聲落歸心夜西吾王方

在疚莫近上林棲時上在涼陰覽至末句深加嗟賞上同

李栗谷以大司東退歸田里有詩曰閭闔三章辭聖主江湖一

葦載孤臣辭氣之間有和平之意鄭松江澈以直提學南歸

時贈栗谷詩曰君意似山終不動我行如水幾時回蓋其時

與栗谷論議不合故云即此而兩人氣像可見類說

洪慕堂履祥嘗受知於栗谷及先生卒挽以詩曰斯文宗匠國蕃龜

海外聲名走卒知洛下正逢司馬日蜀中新喪卧龍時青衿

不耐摧櫟痛丹宸偏深失鑑悲何意挺生何意棄蒼天漠

問憑誰每讀此詩猶可隕涕况親炙之者乎 詩評

成牛溪贈僧詩一區耕鑿水雲中萬事無心白髮翁睡起數聲山
鳥語杖藜間步繞花叢有詞家風格真所謂因文悟道上同

壬辰 大駕西遷李五峯好閔扈從龍濟聞三道兵進攻京城

作詩曰干戈誰着老萊衣萬事人間意漸微地勢已從蘭子
盡行人不見漢陽歸天心錯莫臨江水廟筭淒涼對夕暉聞
道南兵近乘勝幾時三捷復王畿 宣廟見之流涕上同

先輩嘗曰我東之詩惟崔孤雲終始學唐春流繞古郭野火上
高山似中唐人烟隔河少風雪近闕多似盛唐山餘太古雪
樹老太平烟似初唐其高者出入武德開元下不道長慶以
下語不知今世復有如此音響耶上同

有以習齋權石洲詩文優劣問於東岳荅曰二人俱有贈華使

詩習齋詩曰一曲驪駒正咽聲朔雲晴雪滿前程不知後會
期何地只是相思隔此生梅發京華春信早冰消江浙暮潮

平

華使家
在浙江

歸心自切君親恣肯顧東人惜別情石洲詩曰江

頭細柳綠烟絲暫駐蘭橈折一枝別語在心徒脉脉離盃到
手故遲遲死前只是相思日送後那堪獨去時莫道音容便
長隔百年還有夢中期習齋沈重石洲浮弱可以論定云

上同

石洲自坡州向江都詩江上嗚咽聞角聲斗柄插江：水明早
潮侵岸鴨鵝亂遙舍點燈砧杵鳴客子出門月初落舟人掛
席風欲生西州千里自此去長路險艱何日平警絕道勁可
祖老杜此過神髓也

上同

石洲與五山共次僧軀到風字石洲題曰鶴邊松老千秋月鰲
背雲開萬里風自托其豪警五山次曰穿雲洗鉢金剛水冒

兩乾衣智異風其壯健過之

上同

體素眼高少許可嘗與月沙隔塲而居一日過月沙門外立馬
呼聖徵月沙出應之體素遙謂曰今日聞汝有春生閑外樹
日落馬前山之句頗有步趣似可學詩汝其勉之遂看鞭而
去自重傲人如此

上同

李東岳與體素石洲相善二人俱逝其後兩家子弟共訪東岳
于江都感而贈詩曰藝文檢閱李金正司憲持平權教官天
下奇才止於此世間行路何其難陽春白雪誰為唱流水高
山不復彈皓首今逢兩家子一樽江水秋雲寒詞甚適麗體
素初拜檢閱終于宗簿金正石洲曾為童蒙教官今贈司憲
持平兩公年皆止四十四

上同

壬辰後甲辰倭奴來請信使人皆憤惋而朝廷重其生譽遣僧

惟政徃試賊情政遍求別章于搢紳澤堂未釋褐年二十一
贈詩曰制賊無長策雲林起老師行裝冲海遠肝膽許天知
試掉三禪舌何煩六出奇歸來報聖主依舊一卸枝芝峯詩
盛世多名將奇功獨老師舟行魯連海舌聘陸生辭變詐夷
無厭羈縻事恐危腰间一長劍今日愧男兒

上同

芝峯類說多載已詩百餘句曰世所稱者故錄之云而以余觀
之無可稱者惟林間路細纔通井竹裏樓高不礙山一句差
可意如本集所載棘城詩曰烟塵古塞鷗晨落風雨荒原鬼
畫行一聯句語奇恠有足可稱而不錄於其中豈以世不稱
道故闕之歟車滄洲嘗評芝峯詩如草屋明窓賓主相對酒
旨肴佳而一巡行盃更問餘幾則無而繼進歡意索然

上同

宋龜峯客中詩食披叢竹宿依霞行計蕭然只一簑山近鷄龍

秋色早江連白馬夕陽多路通南北君恩足身歷艱危學力
知子在秦城兄塞外夢中歸去亦無家艱難旅泊見於言外上
楊蓬萊士彥輿車 軾遊鉢淵寺各占三五七言刻盤石蓬萊

詩白玉京蓬萊島浩：烟霞古熙：風日好碧桃花下閑來
徃笙鶴一聲天地老車詩朝玄圃暮蓬萊山月鉢淵寺香風
桂樹臺俯臨東海揖麻姑六：壺天歸去來 類說

東溟弱冠已成文章嘗對白沙問曰世以林白湖文章為逼古
而小子所見尋常矣相國驚歎曰少年何為此語君之文章
地步大而尚不解門戶何敢妄論先輩余少也為北評事徃
辭林公林公方病欲使五女奴左右扶護垂頭閉目氣息奄
奄余不暇出言告別欲起來林公僅能微語聲不出口曰不
可無別語而吾不能書子其把筆口呼曰元帥臺前海接天

曾將書劒醉我氍毹陰山八月恒飛雪時逐輕風落舞筵書畢
辭出才及大門已出招魂聲幾死口號之詩豪健如此君可
侮之乎鄭公吐舌屈膝平生以此自警且戒後世妄勿論先
輩之文荷潭錄

辛丑儼接也顧天使豫賦七言排律五百韵夕投月沙使未曉
和進諸公相與燈下覓句僅得數十句月沙曰非車復元不
可急招五山而語之五山請呼韓景洪到私次使景洪執筆
半醉豪吟口不停呼未明而畢進於天使天使見之嘖々嗟
賞召五山而見之曰東國有如此人才奇哉奇哉五山嘗與
月沙語月沙曰吾詩比之何物五山曰大監詩如花紅草綠之
處作三間草屋滿壁圖畫一塵不到者也月沙喜甚又問君
詩何如曰小人之詩麗甚月沙曰第評之曰正如項羽舉鐵

鞭三烏騅率八千子弟渡江而西風霆兩雲滿路紛灑寰中
萬物皆入破碎矣月沙曰吾之草堂能保存乎曰草堂則已
無去處矣一座大笑霽閣詩話

車五山詩才敏達雄健 宣廟己酉迎詔時在儼相柳西垆幕
下登安州百祥樓時暮春中旬間也微雨乍晴四望洞豁妙
香循川歷三指顧西垆曰此乃壯觀也非五山健筆不能形
容卽浮三太白觴之令促賦雄篇五山曰微生賦詩不可使
羈束卽命以大屏遮樓之西南隅置五山其中令任情筆硯
五山卽脫去巾服排枕左右或坐或卧半吟半嘯走書五言
排律五十韻緣一食頃西垆壯之問曰可再乎曰安敢辭乎
又用前韻遂成一篇筆翰逾速而押韻逾工西垆曰今日始
見君大手宜盡君才以侈茲行五山又連賦二篇皆用前韻

逾出逾奇俄而定州牧使尹暄以都差使入謁見四篇之作
謂曰公未可為吾更賦一篇乎曰諾又用前韵以七言成一
篇歷陳尹公世氏門闡及兩間交道浮沈畧無窘態是日也
自午向夕西日尚餘三竿不過二時矣壯哉馳驟之際不遑
擇言蛟螭蛭蚓往々相雜真大家數也上同

挽鰲城相公詩甚多而當時評者以鰲柱擎天々安帖鰲亡柱

折奈何天北風吹送因山雨我淚多於此雨多或云成汝學南

金成玄之甥也所作或傳金昌一未詳孰是類說

金將軍應河挽朴鼎吉為最百尺深河萬仞山至今沙磧血痕
斑英魂且莫招江上不滅凶奴定不還惜其人才格如此染

跡凶黨可惡上同

李達田家詞曰田家少婦無夜食雨中刈麥林中歸生薪帶濕

烟不起入門稚子啼牽衣寒食詞曰白犬前行黃犬隨野田
草際塚累：老翁祭罷田間道日暮醉歸扶小兒逼唐可喜上
李達嘗客遊湖南有商人賣錦段其所賜姬欲之而無價乃作
詩呈邑倅崔慶昌曰高胡賣錦江南市朝日照之生紫烟佳
人正欲作裙帶手探粧奩無直錢崔大喜厚給其價達因是
有名此詩世所稱佳然高胡二字未穩上同

孫谷素與荷谷相善一日往訪焉許筠適來到睥睨孫谷畧無
禮容談詩自若荷谷曰詩人在座卯君曾不聞知耶請為君
試之卽呼韵達應口賦一絕其落句云牆角梅花開落盡春
心移上杏花枝筠改容驚謝遂為詩伴且如贈湖寺僧詩東
湖停棹暫經過楊柳陰：水岸斜病客孤舟明月在老僧深
院落花多歸心黯：連芳草鄉路迢：隔遠波獨坐計程雲

海外不堪西日聽啼鴉絕似唐韵

詩評

孫谷嘗客遊帶方郡與白玉峯林白湖梁松巖同登廣漢樓於
酒席白湖先賦一律曰南浦微風生晚波晴烟低柳碧斜
山分仙府樓居好路入平蕪野色多千里更成京國夢一春
空負故園花清樽話別新篇在却勝驪駒數曲歌孫谷次曰
清溪雨後起微波楊柳陰、水岸斜南陌一樽預盡醉東風
三月已無多離亭處、玉孫草門巷家、枳殼花流落天涯
為客久不堪中夜聽吳歌玉峯詩畫欄西畔綠蘋波無限離
情日欲斜芳草幾時行路盡青山何處白雲多孤舟夢裏滄
溟事三月烟中上苑花樽酒易空人易散野禽如怨又如歌
松巖詩烏鵲橋頭水春波廣漢外柳絲斜風烟千古勝區在
詩酒一場歡意多誰向離筵怨芳草行看歸騎踏殘花天涯

去住愁如織強把狂言替浩歌世傳諸公此遊適值國恤白
湖以歌字先唱欲以寬諸公玉峯之野禽如歌人謂善押云
蓋林詩穠麗梁詩圓熟孫谷玉峯最逼唐而孫谷首末平不
若玉峯起結皆仄落清新上同

己酉詔使之遊漢江也諸人在船中評論古今詩人語及蘓齋
諸人一口語曰大手也座中有一人獨曰短律雖佳長律鹿
厲不足取車典籍雲輅攘臂大呼曰小家之作雖一篇一勾
可詠掇拾纖碎素無氣力至如蘓齋之作有萬句之勢安敢
與之爭衡也因舉遊金剛長律一首而誦之其屯雲古檜陰
陰洞落日危橋淺灣之句三復咏嘆者久之霽湖詩話

己酉迎詔時五山與余在西垞幕下四月至龍灣一日同轡往
往于九龍臺層崖真立萬仞臨之可以望中夏山川其下泓深

為九龍淵也五山命席坐其上使侍者帖紙五六幅進筆硯
將欲窮之余竊料此翁不可與爭多宜速賦一詩參避其鋒
可也乃書短律一首以示之五山之作已就二十餘韻以左
手接紙面韜其詩側面而見之我詩訖呻吟數三聲促令整
駕馳還余還寓強問其故五山發笑吐實曰吾平生所喜用
文字卽六鰲字也吾詩中旣以六鰲對九龍為君所先神氣
忽沮故罷還耳相對一笑蓋僕之詩中有山疑六鰲戴江到
九龍深之語云

上同

車滄洲雲輅以西樓詩曰頭陀雲樹碧相連屈曲西來五十川
鐵壁俯臨空外鳥瓊樓飛出鏡中天烟霞近接官居界風月
長留凡案前始覺真珠賢學士三分刺史七分仙讀之爽然
且如山行卽事詩炭隆新霜草木知寒江脉脉向何之老龍

抱子淵深裏卧教明春行兩期詩意甚奇道人所未道評詩者以滄州勝於五山滄洲嘗自論曰吾則精水流脂五百石家兄則史雜並一萬斛耳上同

柳夢寅於光海朝官至吏叅反正後東西轉徙戊辰逆獄時辭連被逮往在楊州西山捕得之掌鞠諸臣問曰汝何以謀逆且亡命柳曰光海之必亡婦孺之所知新主之有聖德奴隸亦知豈有棄聖君復庸主之理且我非亡命往居西山耳獄官曰西山之說我亦解聽使武王立箕子為天子夷齊猶可入西山耶柳默然良久曰我嘗作孀婦辭以見志以此為罪則死無辭因誦之曰七十老孀婦端居守閨壺家人勸改嫁善男類如槿頻誦女史詩稍知任姒訓白首作春容寧不愧脂粉諸相欲活之一勲臣曰不殺夢寅則效尤而不欲片朝

者必多提防不可不嚴論以逆律於予之於簡易老熟雖不及才調過之簡易固有依形而立者於予自機出輒變化無窮此最難處云平生著述不止數十萬言而惜其被禍文集不行於世可歎公私間見

金栢谷木川道中詩短橋平楚夕陽低正是前林宿鳥棲蘭水
何人三弄笛梅花落盡古城西極逼唐詩評

統軍亭詩古今無限而以東溟東岳為最東溟詩統軍亭前江
作統軍亭上角聲悲使君五馬青絲勒都護千夫赤羽旗塞
垣兒童盡華語遼東城郭非舊時自是單于事遊獵城頭夜
火不須疑東岳詩曰六月龍灣積雨晴清晨獨上統軍亭茫
茫大野浮天氣曲曲長江裂地形宇宙百年人似蟻山河萬
里國如萍忽看白鶴西飛去疑是遼陽舊姓丁鄭詩氣格迥

健彷彿老杜蓋其時適見毛都督軍兵過去而賦云

上同

東溟詩海上白雲間蒼々皆骨山僧飛錫杖笑問幾時還俊
冲雅閑風神骨格似太白冰谿谿澤所可道也

上同

鄭東溟氣吞四海目無千古文章山斗一代其手擘秦漢盛唐
之汎可謂達摩西來獨開禪教其咏白鷗詩曰白鷗在江上
泛々無冬夏羽族非不多吾憐是鳥也年々不與鴈北南日
日常隨波上下寄語白鷗莫相疑余亦海上忘機者試看
吾東今古詩人怎敢道得如此語麼谿谷嘗語人曰余之文譬
如良馬欲步能步欲走能走猶不免為馬至如君平寧蜥蜴
不失為龍之類也因咏箕子墓詩海外無周粟天中有洛書
擊節曰此句出人意表不可及其許如此谿谷長東溟十年

云上同

金潛谷堦嘗以副使赴燕山海關十里許有角山寺險峻難上
潛谷與柳書狀淦聯轡而往上其寺眼界曠絕便有小天下
之意潛谷口占一絕曰再入中原路今年辦壯遊居僧指海
外微露泰山頭既下書狀言於上使曰今日為三壯觀曰何
也曰千仞之山萬里之海已極天下之壯觀而副使以七十
之年朱顏白髮登陟絕險不扶杖而如履平地此又一壯觀
東方詩學始於三國盛於高麗而我朝文章大手相繼而出前
後作者不可勝紀今姑取一二俾後人見一木而知鄧林之
多材云爾余每誦金侍中卽景詩驚雷盤絕壁急雨射顏陽
則驚其奮迅鄭學士咏杜鵑詩聲摧山河裂血染野花紅則
恠其工艷李白雲德淵院詩竹虛同客性松老等僧年則慕
其孤高李牧隱浮碧樓詩城空月一片石老雲千秋則服其

清遠下春亭春事詩幽夢僧先解新詩鳥伴吟則悅其清新
金永崖山寺詩窓虛僧結納塔靜客題詩則愛其間雅金佔
俾仙槎詩青牢邊兩落日上方鐘則嗟其清亮金冲庵寒碧
樓詩風生萬古穴江撼五更樓則喜其豪壯李容齋溪上即
事詩鑿泉偷岳色移石殺溪聲則想其奇巧鄭湖陰感懷詩
未得先愁失當歡已作悲則覺其清切崔東臯除夕詩鴻溝
未許割羊胛不須烹則歎其奇健車五山咏孤鴈詩山河影
沒天地一聲悲則畏其逸秀

詩評

又取若干人七字詩畧加批評鄭學士長源亭詩綠楊閉戶人
九屋明月捲簾兩三人寄意高雅如洛妃凌波步絕塵金
老峯送人詩天馬足驕千里近海鰲頭壯五山輕造語俊健
如李廣上馬推墮胡兒李白雲夏日詩密葉翳花春後在薄

漏雲日兩中明寫景精妙如龍眠下筆物色生態李益齋多
景樓詩風鐸夜喧潮入浦烟簑暝立兩侵樓清駛豪爽如純
陽朗吟飛過洞庭李牧隱清心樓詩捍水功高馬巖石浮天
勢大龍門山突兀奇壯如銅仙奉盤屹立空中鄭圃隱皇都
詩山河帶礪徐丞告天地經綸李太師宏健偉壯如磨天巨
斧擘開蜀山金佔俾神勒寺詩上方鐘動驪龍舞萬竅風生
缺鳳翔嚴重洪亮如句天廣樂夷輶寒廓李忘軒望海寺詩
鵩鳴側塔千年穴龜負殘碑太古書幽遐奇古如埋鄆神劔
沈水禹鼎朴訥齋琴臺詩彈琴人去鶴邊月吹笛客來松下
風高古爽朗如左挹浮邱右拍洪厓朴挹翠永保亭詩地如
拍：將飛翼樓似搖：不繫蓬神奇恍惚如彩唇吹霧架出
樓閣鄭湖陰後臺夜坐詩山木俱鳴風乍起江聲忽厲月孤

懸凌厲振掉如秦師過周免胄起乘盧蘓齋即事詩秋風乍
起燕如客暮雨暴過蟬若狂橫逸老健如馬援矍鑠據鞍顧
眄黃芝川咏海詩兩儀亭午輪輿轉太極鴻濛永鼎開奇偉
雄渾如夸父逐日烏獲扛鼎崔東皐朝天詩終南渭水如相
見武德開元得再攀高雅曲重如商彝周鼎儼列東序車五
山明川詩風外怒濤聞渤海雪中愁色見陰山汪洋憤猛如
潮捲百川雷掀萬戶李休素永保亭詩月從今夜十分滿湖
納晚潮千頃寬豪縱雄爽如蒲梢駉駉不受羈馭權石洲北
閑詩磨天嶺北山長雪豆滿江南草不春清切嘹亮如戍樓
悲笳響徹胡天許端甫南平道中詩春晚岸栳飄簌々兩晴
沙鴨語咬々清新婉麗如西子新粧倚門呈笑李東岳鏡城
詩邊城缺月懸愁外故國殘花落夢中清淑纖妙如清水芙蓉

落天然去歸柳於于如平山中詩斑斕烏虺蟠道側傲兀黃
熊坐樹顛奇恠幽險如飛天夜叉攫食帟豹鄭北山居夜坐
詩文章驚世徒為累富貴董天亦謾勞何似山窓吟寂夜焚
香獨坐聽松濤其人也奇詩亦如人上同

出於卑流而能詩者多劉希慶祭服匠號村隱襄陽道中詩山
含雨氣水含烟青草湖邊白鷺眠路入海棠花下去滿枝香
雪落揮鞭劉踈雅又至孝如石帶苔文老山含雨氣青茅句
為人所稱金孝一禁漏官號菊潭鷓鴣詩青草湖波接建溪
刺桐深處可獲棲湘江三女冤魂在莫向黃陵廟裏啼崔太
立譯官號蒼崖喪室夜吟詩睡鴨董消夜已闌夢回虛閣寢
屏寒梅梢殘月娟娟在猶作當年破鏡看又有賤隸白大鵬
典艦司奴也醉吟詩云醉插茱萸獨自娛滿山明月枕空壺

傷人莫問何為者白首風塵典艦奴崔奇男東陽尉宮奴號
龜谷寒食道中詩東風小雨過長堤草色和烟望欲迷寒食
北望山下路野鳥飛上白楊啼噫才之不限貴賤如是夫上同

我東女子不事文學只治紡績故婦人之罕傳惟鄭氏咏鷄詩
曰一雙仙鶴叫清霄疑是丹邱美玉簫三島十洲歸思濶滿
天風雨刷寒毛宗室甫川令內子咏水壺詩最合牀頭盛羞
酒如何移置小溪邊花間白日能飛兩始信壺中別有天蘭
雪軒宮詞曰清齋秋殿夜初長不放宮人近御床時把剪刀
裁越錦師前閒繡紫元鶯未運詞曰秋淨長湖碧玉流荷花
深處繫蘭舟逢卽隔水投蓮子遙被人知半日羞其丈夫金
誠立少時讀書江舍許氏寄詩云鸞掠斜簷雨飛落花掠
亂撲羅衣洞房極目傷春意草綠江南人未歸似近流蕩故

不載集中趙斯文瑗妾玉峰李氏卽事詩柳外江頭五馬嘶
半醒半醉下樓時春紅欲瘦臨粧鏡試画梅牕胡月眉魯山
墓詩五日長竿三日越哀詞腸斷魯陵雲妾身亦是王孫女
此地鶻聲不忍聞又閨情詩有約卽行晚庭梅欲謝時忽聞
枝上鵲虛盡鏡中眉楊斯文士奇之妾閨怨詩西風撼：動
梧枝碧落冥：鴈去遲斜倚綠牕人不寐一眉新月下西池
各臻其妙

附歌調

太宗設宴邀致鄭夢周酒闌 太宗把盃作短歌以侑詩以解
之曰如此亦何如：彼亦何如萬壽山葛藟亦何如我輩亦
如此百年享何如夢周作歌詩以解之曰此身死復死百番
更死了白骨化塵土不論魂有無向君一片心寧有變改理

太宗知其終不變也

謏聞
瑣錄

我東樂府有與民樂洛陽春步虛子豐安曲靖東方清平樂水

龍吟金殿樂履霜曲五冠山紫霞洞動曲鳳凰吟翰林別

曲致和平滿殿春醉豐亨鄭小亭等曲靖東方者鄭道傳頌

太祖倡儀回軍之詞鳳凰吟者世宗朝尹淮所撰致和平

鄭隣趾所撰紫霞洞動曲翰林別曲者麗朝所撰也

芝峰
類說

明廟朝折御苑黃菊賜玉堂官命撰進歌辭玉堂不能就時宋

三宰純直摠府乃借製以進上覽之驚喜大加賞賜其詞

至今傳于樂府

上同

丁丑三宮北遷時過青石嶺孝廟作歌曰青石嶺已過芳草

河口何處是胡風淒復涼芳陰兩亦何事誰涵此形像芳獻

之金殿裏又歌曰天朝路阻芳玉河館已虛大明夷舊耀宗

禎誰更書追懷壬辰恩潛然淚沾裾

鄭丞旨誠謹耿介忠貞燕山朝流落不過慷慨作俚曲中夜悲
歌以寓其愛君繾綣之意其一曰以我思子心子無我心似
子心苟可似天下寧有是思之縱難能無嫉猶可已其二曰
桃李媚恩光競此色婉晚老菊終亦花寂寞誰省晚霜風掃
卉空孤芳託秋苑其音淒以婉其辭怨以直楚累騷哀長沙
賦苦遙、此心千載同貧使人聞之不覺腸摧而涕下也龍泉談
寂記

金冲菴己卯禍竄濟州臨死作辭投曰絕國兮作孤魂遺慈母
兮隔天倫遭斯時兮隕余身乘雲氣兮歷帝閣從屈原兮高
道遙長夜冥兮何時朝炳丹衷兮埋草萊堂々壯志兮中道
摧嗚乎千秋萬歲兮應我哀

裨官雜記

我東人所作歌曲雖不能與中國樂譜比並有可觀而可聽者

感君恩翰林別曲漁夫辭最久近世退溪歌南冥水月亭歌
朝天歌闕山別曲古別離曲南征歌之類甚多

冤憤歌洪忍齋所作公少時為安老所陷被刑幾死竄興陽述
其冤憤伸其不平之鳴也

俛仰亭歌宋二相純所作說盡山水之勝遊賞之樂膏中有浩
然之趣上同

鰲山歌林錦湖亨秀通判會寧時所作讀之可想其人英風爽
氣槩足蓋一世象村集

關東別曲鄭松江澈所作狀物之妙造語之奇信樂府之絕調
也歌譜

思義人曲亦松江作祖述詩經義人二字以寓憂時戀君之意
亦郢中之白雪也上同

續思美人曲亦松江作復申前思未盡之語意益切語益工可
與兩出師表相伯仲也上同

將進酒亦松江作詞旨通達句語清婉若使孟嘗君聞之淚下

不但雍門琴也上同

怨婦詞筠妾巫玉所作說盡空閨情境曲有脂粉艷態雖詞人

奩體何以過此或云筠死後巫玉將同坐蘭雪代為此作使

脫禍云

上同

按蘭雪二十七天筠作詞哀
之此云筠死云恐誤也

江村別曲車五山天輅所作備述江山閑情之趣讀之令人有

清適之意

上同

流民嘆趙玄谷緯韓所作備述昏朝政令之煩列邑徵歛之苦

可與鄭俠圖相表裏也

上同

牧童歌任休庵有後作也公當昏朝無意進取作此以寄之意

自適之趣超然於禍福之門蓋楚辭之遺意也上同

白沙謫北青時登鐵嶺作短歌曰鐵嶺最高峯飛去彼白雲孤
臣怨君淚為雨帶將去沾洒君在處九重宮闕裏上同

天將楊經理行軍過青坡橋時田中男女鋤禾齊聲而去歌徑
理問通官曰彼歌亦有腔調乎曰用俚語為曲非文字也天
使令接伴使李恒福翻譯以進其歌曰昔日若如此形安
得持愁心化為絲曲皆成結欲解復欲解不知端去處天
將見之稱善曰農人冰徒勤於本業歌甚有理有賞也可各
給青布一疋於于野談

光海於上林賞春之日必令諸姬誦李花桃花杏花散南里北
里西里春不寒不熱好時節半醒半醉無事人之歌反正後
流落宮人每誦之泣下沾襟公聞私見

我國太平簫羅之聲盖有所本昔曹植作譙樓畫角三弄其
初弄曰為君難為臣難又難再弄曰創業難守成難又
難三弄曰起家難保家難又難今角音之鳴者皆難字
之曳聲云 類說

附對耦

牧隱登中朝第名聞天下授翰林知制誥學士歐陽玄見而輕
之作一句嘲曰歟蹄鳥跡之道交於中國牧隱應聲曰鷄鳴
狗吠之聲達于四境又曰持杯入海知海大又應聲曰坐井

觀天曰天小歐大驚曰君天下奇才也

于野談

元人有與牧隱同名者出一對嘲之曰藺相如司馬相如名相
如實不相如牧隱即對曰魏無忌長孫無忌古無忌今亦無
忌其人起拜

芝峰類說

牧隱在中朝到一寺、僧饋之以餅遂作一勾曰僧手小來僧手小使對之蓋僧手餅之別名也公未能卽對曰異日當對之後遠遊千里外見一人携瓶而至公問何物曰客談也客談者酒之別號也公大喜而足之曰客談多至客談多半歲後歸說其僧、大嘉之曰得對貴精晚暮何妨得一語遠來相報此又奇也

於于野談

自昔華使之往來率以詩文相娛麗朝時一天使出來令館伴出對館伴曰張良項羽爭一傘良曰涼傘羽曰羽傘天使卽對曰許由晁錯爭一瓢由曰油胡蘆錯曰醋胡蘆又曰琴瑟琵琶八大王一般頭面天使曰魑魅魍魎四小鬼各自心腸天使曰女子比肩合作人間之好對者曰日月齊體麗為天上之明又曰東方朔西門豹南宮适北宮黝東西南北之人

對者曰左青龍右白虎前朱雀後玄武左右前後之神又曰
兩家作配己酉一日為佳對者曰半夜生孩亥子二時難分
又曰人曾作僧人弗能作佛對者曰女婢為卑女又可為奴
天使祁順之來也出對曰三角山形三角立金乖崖應聲曰
燕尾亭流燕尾分天使大奇之

太平間話

鄭文成獐趾字伯睢號學易齋生洪武丙子號稱神童十六生
負十九文魁倪侍講謙奉使到國公為儋相、得甚歡月夜
露坐庭中討論侍講曰奈如夜禁何公曰可怕李金吾侍講
曰侍逢王王汝相與笑曰天下未嘗無對信哉

尹文憲子雲字之望官領相茂松府院君即申高靈之妻兄一
時拜相嘗於同年之會申占句云青眼故人俱白髮公遽對曰
黑頭賢相只丹心中屈膝曰我不如兄之精敏盖申愛古阜

妓只丹心故云 本傳

蔡壽字耆之文章贍殷公有孫曰無逸五六歲時夜抱而卧作
一句曰兒孫夜、讀書不無逸卽對曰祖父朝、飲酒猛又
於雪中抱行咏一句曰犬走梅花落無逸曰雞行竹葉成無逸

亦登科 上同

金慕齋安國為宣慰使時日本僧口呼曰冰消一點還成水慕
齋對曰木立獲株便作林華使唱曰處難名曰黃夏地公卽
曰居易字云白樂天華使歎服 類說

金河西隣厚嘗得暎山紅暎斜陽裏一句久未覓對一日李佐
卽後白至公語之李卽曰生地黃生細雨中 本傳

張丞憲天使時李杆城克仁以兒童觀光天使召問讀何書曰
漢書天使口占曰豁軒牕四壁東西南北之風李卽曰治園

圓一區春夏秋冬之景張大奇之類說

壬申登極詔使韓給事世能出來其所製詩下別書八字宜付

丙丁勿移甲乙倉卒一行皆未曉梁清溪以製述官在債相

之坐進曰宜付于火勿鏤于木人奇之為一世諺言

齊湖詩話云清溪名大橫齊湖文

鄭之升遊嶺南只成一聯曰十室仁同縣千峯智異山欲更著

一句不得而還類說

林白湖入俗離山讀中庸八百遍得句曰道不遠人二遠道山

非離俗二離山

上同

天使顧天俊出對曰烟鎖池塘柳債相李五峯將對之從事權

石洲難之使謝之天使曰東國有人

上同

李澤堂植一日徃拜東岳適有二僧在座時即正月五日而前

三日連雪東岳曰春天五日雪三日澤堂諦視其對句如何

繼吟曰遠客二人僧二人澤堂驚歎不已

詩評

沈尚鼎聖凝嘗於家居得一聯曰丁香綰落華
幸發未得對趙
泰億大年適過沈言之趙應聲曰卽酒初醒午夢酣
漫錄

聰敏

金直提文聰明過人博通經史尤長史學資治通鑑綱目皆原
落載腹人有問者應聲答曰在某卷幾張百不一失
世宗
命撰訓義也公之功居多國朝史學以公為首
上春日隆
而早卒不大施惜哉
華苑雜記

金東峯時習五歲以神童名
英廟召試三角山詩曰東聳三
峯負太清登臨可摘斗牛星
昨徒岳宙興雲雨能使王都萬
世榮
英廟又試之曰童子之學白鶴舞青空之末卽對曰
聖主之德黃龍翻碧海之中卽賜帛五十疋使自運去遂各

綴其端曳出之

震事奇聞

徐四佳陽村外孫也六歲屬句人稱神童八歲陪陽村座四佳
曰古人七步成詩尚遲請五步成之陽村指天為題呼名行
傾三韻四佳曰形圓至大蕩難名包地回旋自健行履壽中
間容萬物如何杞國恐顛傾

詩評

金西河稱厚字厚之正德生形容端正氣宇宏深年五歲父
口授周興嗣千字文公瞪視不答父恚曰子必哂也門戶不
振俄以津唾指畫窓壁歷歷皆千字也六歲指天呼韻即
曰形圓至大又窮玄浩々空繞地旋履壽中間容萬物杞人
何事恐顛連平生未嘗輕易言語人問之曰言語不可不重
人稱長城神童

本傳

與徐四佳詩恰似可恠

日本詩僧弼中來聘慕齋以司成禮接得體唱酬瞻敏僧思涸

不能敵欲試強韵以讀易為題呼塩尖鍾三字公應聲曰大
羹元不和梅塩至道難形筆舌尖靜裏默觀消長理月圓如
鏡又如鍾以左贊成典文謚文敬嘗有洞生以半月為題呼
魚蛆輿三字公即應曰神珠缺碎闕龍魚剔殺銀蟾半食蛆
顛倒望舒仍失御軀亡輪折不成輿

已卯錄

閔箕字景說生而穎異五歲學千字至晉楚二字問於父曰未有
晉國楚國之前字義云何聞者大奇之從事學問沈潛義理
金慕齋亟稱之早登科官至右相

本傳

退溪十二歲時受論語于叔父松齋公將論語中理字問凡曰
事之是者是理乎松齋大奇之曰汝已解文義矣

退溪言行錄

曹梅溪友仁字汝益學語便曉文字四歲賦詩屬句有因雲碧

山頭烟割暮江腰之句

澤堂集

林垂胡荑博覽羣書無有過人之聰凡於九流百家奇語古文
無不目涉而誦嘗至都下左顧右盼應答無疑口如懸河走
馬莫有窮已鄭湖陰每指之曰行：秘書

霽湖詩話

栗谷母夫人卽申進士命和女也號師任堂通經傳能屬文善
筆翰又工於針錦刺繡七歲時倣安堅所畫遂作山水圖又
畫葡萄皆世無能擬者也

栗谷集本狀

鵝溪七歲咏一殼三栗曰一家生三子中者兩面平隨風先後

落難

第

兄自髻鬢已道奇壯語其子慶全九歲時在鵝溪

膝上使賦卽景卽成曰一犬吠二犬吠三犬亦隨吠人呼虎

乎風聲乎童言山月正如燭半夜惟有寒鳴梧十歲作杭州

圖詩曰楊柳依：十二橋碧潭春水正起：粧樓珠箔待新

月江畔家：吹紫簫謂稱其家兒

詩評

李判書準少聰慧嘗過宿一邑吏家夜覺無聊問主人有何書
母乎曰無他母只有軍案二卷耳李命取來閱了一遍歸時
復入其家才經回祿主人者曰他物非不可惜而向來軍案
亦被焚燼此最為悶李命取空冊來使書畢誦而傳謄焉主
人大驚以為天神也後取他參考之十餘人疤訖相換登第
為注書持公事入侍適大醉出來時遺失所抱文書明朝皆
誦書之不錯一字少時讀陽節潘氏一遍成誦震事奇聞
白沙八歲時大人叅贊公命以琴劍作駢句應聲曰劍有丈夫
氣琴藏千古心聞者知其大成本傳

李月沙十歲博通經傳子史次南山詩擬原道文傳於中朝人

稱神童

澤堂集

李芝峯晬光童時作雪詩曰庭前有月松無影檻外無風竹有

聲造語已占神境

本傳

李五峰好閑十歲時見二百人榜目而背誦不錯一人年三十

擢庭試探花郎抹注書

宣廟臨選問字義講官皆不能對

上顧公曰問爾富文學為我言之公辭謝對叔甚悉大上

悅特旨授內翰賜暇讀書曰此人奇才也培養不可拘常例

命脫禁直專意學業

本傳

李德馨為李都督如松接伴軍中秘書累百言提督門子潛示

公曰忙甚僅覽一遍即奪而去公即傳謄狀聞於行在具後

得原本而考之無一字謬云

野談

鄭教官磻嘗燕集為射韵之戲得暮字諸人爭先占之乃自作

一句云寥亮江天暮諸人不信曰此在何集耶曰遠沙上

人初疑雙白鷺臨風忽橫笛寥亮江天暮乃唐詩也諸人信

李判書準少聰慧嘗過宿一邑吏家夜覺無聊問主人有何書
冊乎曰無他冊只有軍案二卷耳李命取來閱了一遍歸時
復入其家才經回祿主人者曰他物非不可惜而向來軍案
亦被焚燼此最為悶李命取空冊來使書畢誦而傳謄焉主
人大驚以為天神也後取他參考之十餘人疤記相換登第
為注書持公事入侍適大醉出來時遺失所抱文書明朝皆
誦書之不錯一字少時讀陽節潘氏一遍成誦震事奇聞
白沙八歲時大人叅贊公命以琴劒作駢句應聲曰劒有丈夫
氣琴藏千古心聞者知其大成本傳

李月沙十歲博通經傳子史次南山詩擬原道文傳於中朝人

稱神童

澤堂集

李芝峯晬光童時作雪詩曰庭前有月松無影檻外無風竹有

聲造語已占神境

本傳

李五峰好閔十歲時見二百人榜目而背誦不錯一人年三十擢庭試探花卽採注書宣廟臨筵問字義講官皆不能對上顧公曰問爾富文學為我言之公辭謝對叔甚悉大上悅特旨授內翰賜暇讀書曰此人奇才也培養不可拘常例命脫禁直專意學業

本傳

李德馨為李都督如松接伴軍中秘書累百言提督門子潛示公之忙甚僅覽一遍卽奪而去公卽傳謄狀聞於行在其後得原本而考之無一字謬云

野談

鄭教官磻嘗燕集為射韵之戲得暮字諸人爭先占之乃自作一句云寥亮江天暮諸人不信曰此在何集耶曰遠上沙上人初疑雙白鷺臨風忽橫笛寥亮江天暮乃唐詩也諸人信

服些峰
類說

任疎菴叔英記性絕人淹貫經史子集雜書小說人名地名一
過目皆領畧久而不忘惟四傑四六集讀五六遍終身記誦
口授弟子傳寫一字不錯國朝典故氏族源委以至國內山
川形勢道里遠近風謠善惡財賦多小皆諳悉無遺在還天
下輿圖據大明一統志證以史傳皆如親歷嘗泮齋一見生
進棕一二皆誦多士驚以為神嘗過楊根見路傍男女相與
語聽記中間曲折男女數人名後數年在龍津舟上認其
人仍迷其所聞而問其事首尾其人大驚言行錄
澤堂集

金黃崗結輝聰明罕古今讀書十行俱下嘗為全羅方伯訴謀
數千丈使善讀之吏蟬噪蜂聒一時讀過皆覆其牒而從頭
題之一不錯如有疊呈者聞其名輒發其奸民士異之赴燕

時通川路遇一人賣十九史六百卷一覽無不曉然抽秩試之無不應又引市人聚異書連車輸致館中一夜盡覽翌日給曰無價不能買於于野談

具洛州鳳瑞九歲時月夜與羣兒入白沙宅偷蓮花白沙曰汝何不讀書反偷蓮為曰書既盡讀無事浪遊耳曰吾將呼韻不能則撻之遂呼遊字卽曰童子招朋月下遊又呼秋卽曰相公池館冷如秋白沙知其能欲窘之呼牛字又卽曰升平事業知何事但問蓮花不問牛白沙大奇之詩評

朴燁字叔夜八歲時值大雪其叔父自外來則掛丹於雪樹以桑弧蓬矢射之如射帷叔大嗔欲撻之公曰小兒腹中已貯文何毋用子乎叔且怒且疑以雪命題仍呼韻公應聲曰如手復如席隨風覆更斜窓含無影月林吐不香花山上瓊為

窟人間王作家一痕能染白寒樹有棲鴉叔大奇之曰勤讀為

文章不勤亦可登科任汝為之

於于野談

十歲徃隣家值其長者

不在屋壁新糊書一句曰主人山上山客子口中口俄而主人

來見問誰所為公曰吾所為也主人出去客子空回故云

本快

河應臨十歲以奇童稱長者命賦竹筍呼韻應聲答曰平地忽

抽黃犢角巖間初展蟄龍腰安能折甬為長笛吹作太平行

樂調少年登第嘗送客西郊有詩曰草々西郊別春風酒一

杯青山人不見斜日獨歸來未幾而沒於于野談

僧惟政入日本時倭國三千里設錦步障左右列金銀屏畫書

倭人詩政指道上瞥看之及至館與接伴使論國中詩品輒

盡誦無一錯諸倭驚異之松雲集

獎詡

世祖朝天使張給事寧出來時年二十四聞成三問不在歎訝
曰吾師倪侍講言東國多文士何寒々眼中耶由此不喜酬
唱其豫論讓或疑其有意而作云 類說

李容齋為遠接使貌不揚天使不禮之及見其和章始深服出
與副使曰此人詩壇老将慎勿輕敵云文詞華國如此 上同

陽谷與企齋湖陰同時而容齋於陽谷最所稱詡屢言於上前
曰蘓世讓當為主文之人不可置在下位故陽谷自通政至
資憲皆容齋所請也陽谷乞糧授洪州未數月容齋又言文
章之士不意出外 上命召還三公皆主文柄年俱八十先
後而陽谷早退家居享清福者二十餘年雖為士論所斥近
世詞人壽終富貴者無出其右云 上同

林白湖以詩名於世年少時自湖西向洛風雪滿天道上得一
律曰大風大雪高唐一劒一琴千里人鳥啼喬木暮烟冷犬
吠孤村民戶貧僮寒馬病若無賴嘯志歌懷如有神悠々忽
起故園思錦繡梅花南國春成大谷見此詩願見其面白湖
造拜甚歡癸未甲申間成牛溪亞銓曹怜其抱才沈滯遂欲
吹噓邀之與語問其姓氏所由來仍曰必累世奕閥矣對曰
數三代忝得科名人以為貴姓而實則起於寒微矣牛溪大
加獎歎謂其有拔俗韵格遂薦弘文錄未幾病逝官至正郎

惜哉

上同

簡易少不知名其洞儒十五人方作程文決勝負公徃見請來
做僉曰君雖有文才未諳科體不可與會蓋以公地微而輕
之也再三強之方許八十六人分曹作賦就考於原任領相

盧蘓齋：或書三上三中二下而還之獨於簡易作不批不
等只拆見密封名字而送東七人者咎公曰始不許入者以
此推之故吾輩見敗也西八人則崔躍焉俄聞外喝道聲報
領相大監來臨矣衆異之使公避出十五人下階迎入焉禮
罷蘓齋曰俄見公輩之文雖有彼善於此皆實才也當次第
決科矣崔豈者何人也一生此曰中路人有才而姑未科文
向方矣曰可得見乎卽招公俯伏於末座相公使之前握手
曰高麗五百年後至今無文不意乃稟於君耳此非君我一
人之幸實爲國家大賀矣他時華國之文皆出君手勉之稱
謂數四十五人者面皆如土此後蘓齋見人輒曰有崔豈者
文章士也明春別試壯元非此人莫可此後國家用文之處
皆此人當之每言如此故別試考官輩拆封而擢魁焉公果

為國家文章之首官至左尹海伯終假吏判之啣而使中國
盛矣荷澤錄

噫古之人獎拔後進愛許人才之盛如此今世雖有出倫
之才必忮忌之不暇將何用哉况偏黨之出雖馬遷不死
諸葛復生末如之何矣

成牛溪聞崔永慶名委造焉布衣破屐寒色蕭然其容嚴重有
不可犯者坐而語無一點塵氣牛溪退語白仁傑曰吾見其
人而歸忽覺清風滿袖矣石潭日記

天使顧崔之來石洲以白衣從事被選宣廟命徵詩稿入置
之香案常諷誦之其寒食時祭罷原頭日已斜低錢飛處有
啼鴉山蹊寂寞人歸去兩打棠梨一樹花其曰人烟寒食後
鳥語晚晴時其自然之妙何減於芙蓉露下落楊柳月中疎

蹊谷曰余見石洲形於口吻動於眉睫無非詩也蓋石洲之詩天得也豈其所謂天授者歟詩評

崔孤竹為平壤庶尹徐萬竹益為大同察訪館李達於浮碧樓選妓之有名者十人令擁侍不離二公每夕屏公務肩輿而往行酒賦詩盡歡而罷一日崔公曰吾輩每賦此樓之上山川魚鳥嘲咏殆盡盡命賦一絕句耶徐公曰以采蓮曲命之可也遂次板上鄭知常韻兩歇長洲草色多送君南浦動悲歌大同江水何時盡別淚年々添綠波之詩三人各把筆沈吟務勝二公先成李乃繼就竟推李作為絕唱其詩曰葉蓮參差蓮子多蓮花相間女郎歌歸時約伴橫塘口辛苦移舟迎上波二公之作未讓必於此而以李作為第一為閣筆之舉其不論貴賤崇獎布衣意可見霽湖詩話

楊海客為襄陽守時愛李達之才待以朋友之禮達之為人多
誦有名與公分厚者貽書戒以勿密公回書曰桐花夜烟落
海水春雲空之句李達若踈待則何以異於陳王初喪應劉
之日乎然公頗心動不設醴焉達辭書投詩曰行子去留意
主人眉睫間朝來共黃氣夜坐憶青山魯國鸛鴈鄉食南征意
茲還秋風蘓季子又出穆陵關海客見之大驚待之如初達
之詩清新瀏麗不減唐人其江陵書事詩曰三月江陵花滿
枝折花還有去年悲請君莫問東流水日夜悠悠無歇時肯
朴正庵民獻除咸鏡監司一時名人咸賦別章蘓齋亦在座見
諸帖皆不滿意朴守菴詩後至蘓齋披見頸聯曰館邸夢回
清猷鶴塞門風落晏嬰裘三復歎賞字呼曰君實君實白湖
諸人皆面赤而退蓋朴公之將赴咸營也有臺議以不慮為

言守菴欲白其不然語意如此蘓相之所以左稱譽也

齊湖詩話

鄭古玉子規詩曰鈞外祿皇帝人間托子規梨花古寺月啼到
五更時遊子十年淚孤臣再拜詩愁腸一叫斷何用苦推悲
此詩膾炙一世謦師張順俞嘗召入禁中宣廟曰汝近往
何處對曰流寓海西矣上曰鄭礪近在海州此人嗜酒其
能得飲否仍誦梨花古寺一聯曰佳作恨不見其全篇
汝或記否順俞誦之御筆即書于壁云上同

李東洲嘗言癸亥間余與疎菴蹊谷等九人賜暇湖堂一日出
御題令諸公製進余適居首蹊谷第二各賞賜有差仍宣醞
諸公歡飲酒酣座中謂余曰今日應裁子為壯元吾等之文
可茅其高下余笑而頷之因謂曰持國之文如長江一瀉十
里無聲汝固如山迤邐靖花竹生馨天章如羅公遠所嗅黃

栢華色燁然內缺一辨甫羽如白鸚鵡天性慧到時有一二
句能言諸公大笑稱的論不止四人久忘之云

詩評

顯廟嘗下教曰孝廟嘗謂鄭斗卿之詩不下於李長吉而予
聞其人閤事不堪為應俗宰相可恨仍吟其域中王亦大天
下佛為尊之句曰予外祖谿谷張公見此句謂可與李杜相
上下予至今不能忘先祖每以金宗直之不典文衡為國朝
欠事鄭斗卿雖老病不得行公以其文章終不得以大提學
書銘旌豈不冤乎語及鄭公每稱東溟又嘗求得詩稿使寫
字官繕寫粉紙以錦韉橫置香案云

公松間見

鑑識附先見

桓祖當恭愍王時始自瓊城歸仕本國與都巡問使李達衷相
相及將還 桓祖餞于野 太祖從焉 桓祖行酒達衷啖飲

太祖行酒乃立飲曰此子誠異人非公所及公之家業此子必能大之敢不敬乎

豐沛錄公後達袁子孫世立字若靖若奇之類是也

太宗朝朴錫命承旨時

上曰誰可代君任喉舌曰黃喜真可

可人也未幾代朴為丞旨終為右相世為朴公知人

情辭最

宋判書獮壽字台叟嘗謁金慕齋適有柳仁淑申光漢來謁慕

齋不甚喜去後台叟問其故慕齋嘖戲曰原明不學無術未

知厥終如何漢之八字甚好己卯與士類同貶幸矣兩公皆

時所謂名流而慕齋之論洪命為下柳於于之妹也於于受

學時涎傍竊記文章絕世然自以婦人不宜吟咏故絕無所

傳惟入洞穿春色登橋踏水聲一句世傳詩評

一士人遊金剛還謁谿谷谿谷曰君行有詩乎客以簡易所作

觀日出詩以為已作而瞞之公擊節吟諷良久曰此冰君詩

也是作必在八月十六^七夜客大驚曰此作本冰警作而又何
知其八月十六七夜公曰古人於正秋多用玉宇文字又日
欲出而月在西乃十六七夜也第一句玉宇起落月東起
得崔嵬蒼波萬頃忽翻紅狀得恍惚蜿々百鬼皆含^火極幽
遊詭恠之觀捧出金輪黃道中有高明廣大之象一語一字
皆有萬句之力古今咏日出皆莫能及君從何得此來客大
驚服遂吐實谿谷曰冰此老不能道此語噫向使東臯為詩
而必欲一世皆好之則其能使谿谷敬服如是乎若不知者
之毀譽何足為喜怒哉

詩評

附先見

申叔舟臨卒 成廟問所欲言願國家無與日本失和 上感
其言命副提學李亨元徃修睦以風水驚疑得疾未達而回

自是不復遣使只接待其國來使而已至平秀吉送橘康廣
探知國事以至於亂懲忠錄

成侃字和仲號真逸有重名時匪懈堂以王子詩文書法為天下第一又
善圖畫琴瑟棋局與子皆用玉亦用金泥塗字聞成公名倅人邀之賦詩
亭中期以再會公之母夫人謂曰王子之道當閉門麾客謹慎無他豈有
聚人作朋之理其敗可待汝勿交其後竟不赴招未幾敗一門皆服夫先見
洪忍齋暹嘗賦月課灝灝堆詩天險傳三峽雷霆敷閩海風檣
今日試客膽向來寒但覺巖崖峻寧知宇宙寬清猿啼不盡
送我向危灘詞極清峻豪放後為安老所陷受刑被竄人皆
危之蘊陽谷獨不憂曰曩見課製末句有歷險始顯之意故知
其不死果然詩評以下
係文鑑

有京中士人下鄉數年後袖詩就考於權習齋曰此人半

京半鄉矣又士人徃嶺南還以一詩謁金慕齋曰生於行中
登樓作也公怒曰君以少年何面謾長者士人強云已作公
轉怒曰此詩非但文章必鬼語也士人服曰嶺南士族充軍
士晝夜悲泣一夜神人來言此詩使之呈于監司見之免
其役云公笑曰天下之文豈逃吾之眸子乎

稱官雜記

李五峯適見急兩打窓忽得一句曰山兩落窓多仍續上句曰
澗流穿竹細遂補成一篇寄示鵝溪只點山兩之句還之曰
公必值真境先得此句餘皆追後成之一篇之意都在此句
耳其詩鑑如此嘗曰若見人自作自筆之文則可作一生編
年云

詩評互漫錄

洪命考六歲作詩曰花落天地紅鶴谷大夫人柳氏見而嘆曰
此兒必貴然似天折若曰花發天地紅則福祿無量落字無

遐福象惜哉後洪公以平安監司戰死金化年四十二卒如其言夫人即柳於于之妹也於于受學時從傍竊記文章絕世然自以夫人不宜吟咏故絕無所傳惟入洞穿春色行橋踏水聲一勾傳世

人問於土亭曰今世草野亦有人才乎荅曰吾黨中有趙汝式者

安貧樂道愛君憂國出於至誠求之古人亦罕吾意以為可用之才此外無有也人曰所謂人才能辦得大事之謂也趙公雖有忠義論人才適用則恐不足以當之也土亭曰自古能當大事者恒出於安貧樂道愛君憂國之人趙君為人固非君輩所能識他日當知吾言之不妄

抗義新編

崔完城鳴吉有鑑識戊寅自瀋還黃一皓時為義州府尹公啓曰黃一皓雖有才智恐欠鎮密不能無區々之慮黃公果以

事挑怒清人至被慘禍且綾川子鰲為水原府使過辭逢川
良久辭去綾下堂公忽色動語其子曰恠哉此人冰久當死
下堂步出之際精神已散若偶人之之形也數日後無病暴
死

昆命集

逢川少多病瘦甚人多危之申玄翁欽雅嘗曰崔某雖如此他
日當為名世兒欲擇為女婿而其於十年痼病及子宮不好
何崔公果於二十後病在床席者十餘年又艱嗣續蓋申公
旁通星命云

上同

丁丑亂後上問方伯之才於崔公對曰鄭太和年雖少有大
才宜先擢用遂自堂下擢湖西伯明年升闕西伯若此可謂

灑落前言往行錄

尹孝孫字有慶南原人生負文科重試官左贊謚文孝少時父

為義政府錄事晨往刺相公之門閤人辭以寢不即通日晚
飢困歸家謂其子曰吾以不才喫辱至此爾可勤業無似爾
父也孝孫書刺尾曰相國酣眠日正高門前刺紙已生毛夢中
若見周公聖頂問當年吐握勞翌朝父不省又往投刺相公
見其詩即引入問曰是爾所題否其父驚惧失措視其字乃
孝孫筆也吐實服眾相公令召孝孫至年方十餘歲穎悟出
倫公時有少女擇配入語夫人曰今得佳婿矣夫人不可曰
我女豈與錄事兒為婚公不聽竟婚焉公即朴文憲元亨也
中廟朝孝孫觀海察西教書畧曰孝友之化鄉里者非一二計
較名之動搢紳者垂四十年又曰篤行顏閔人不問父母昆
弟之言治邁龔黃民無有歎息愁恨之聲皆實跡本傳

成東洲嘗居土亭土亭來訪偕往申翰林遵義亭上小酌有一

男子善謳歌者命歌之未盡一曲東洲遽止之而送還人問
之曰聲極淒咽似有喪故不可與樂也旣而聞之男子之母
在遠是夕計至

魯西集

李相國陽元少時讀書山寺一日偶吟一絕口懸橐防飢鼠
撲燈蛾倚有一老僧諷咏良久曰仁民愛物之心溢於辭
表他日可卜大拜矣果驗

雜錄

姜丞旨緒少有鑑識嘗為仁川倅徐藥峯諸家世寒素登第後
為仁川訓導時造衙中姜極加敬謹親為設之徐曰吾不再
到公門矣姜曰何也曰以我官爵人品此公如鷄鳳之判而
公每過恭如此心實不安也姜荅曰公當為一世清流位至
吏判子孫昌大公之福祿非凡人所及不敬而何公之子孫
當念姜丞旨殘裔也徐疑恠不信後果吏判子孫至蟬今聯

徐為吏判日每：稱道云

鄭鵬字雲程善山人有鑑識時姜渾沈順門為舍人皆有所眄
妓公戒二人曰亟遠之無貽後悔姜去之沈不從二妓遂入
燕山宮中極寵沈寃死冰法人服公先見

鄭鵬於中廟初為校理未久辭歸人問之曰強起赴朝頗有
驚心事拜恩入闕有帶屏宰相背而立余屏息而立俄而回
顧即景舟問其職乃贊成也余忽驚心無意仕宦也還鄉終
不起

宣廟癸未粟谷於筵前請預養十萬兵以緩急備否則不出十年
必有土崩之禍西崖柳成龍以為無事養兵養禍也先生出
謂西崖國勢危如累卵而俗儒不達時務他人固無望君亦
有此言耶今不預養必無及矣因愀然不樂逮壬辰之變西

岷於廟堂語諸宰曰當時吾亦慮其搔擾而冰之到今見之
李文靖真聖人也若用其語國事豈至此乎且其章疏中籌
策人或訾議而今皆鑿三符合粟谷若在必能有為也云谷粟
行裝

壬辰之議者咸欲棄平壤往咸興尹梧陰極言地形物力宜必
守此雖此一步國事次矣以堅城則寧越邊優於咸興可往
守事危則赴義州赴愬天朝北方人心得甚冰可保之地其
後兩王子入北見傳人始大驚信本傳

宣廟朝永昌大君使之始生也人莫不稱賀而獨國舅延興金悰
男之子清州牧琉之妻鄭氏憂歎不已其後永昌寃死而金
門幾滅蓋已料其禍兆也

丁卯虜報始至鄭錦南忠信之從體察張公西出余從之郊外

班荆而鄭曰此虜今來意在脅和即去耳余時意謂不然後竟如其言蓋鄭習知虜情故也

丙子前金判書時讓獨知胡寇必來時胡差出來金公侄素以戶部來言曰明日胡差出來漢江洗馬該曹將供具先出待候矣金公曰汝須出待三田渡佐郎未信而重違叔父言往待三田俄而胡差到三田大驚曰何以知吾到此即托馳馬馳十餘里至南漢城底而還佐郎歸問其由公曰胡人有志於我國久矣假托洗馬欲知近京保障地形矣聞者皆歎服

梅隱集

正直

李諱成廟朝為刑判知敦寧成世明有私囑公惡之及達嗣庭世明進揖公揮手絕之曰宰相區、何足示人世明幾仆

地其質朴無文奉法不撓多類此人比包胥羅云

陰崖雜記

南越谷城人魁科有文名燭影長門賦膾炙人口南袞欲引進招致之謂曰聞君文辭過人願一見仍指盆竹使賦之卽應

散曰一朶盆莖弱千林雪意豪誰能伸汝曲直拂晉雲高袞

大怒絕之以典籍終已

印錄

靜庵為大司憲執法公正人皆感服每出市人羅拜馬前曰吾

上典至矣

石潭日記

靜菴當 中廟朝以弼違格冰為己任諫諍之際不得俞音則

不止且疾惡揚善無所回避人語之曰公雖有龍逢比干之風而得無乖明哲保身之道乎曰吾以直道事君幸而生則生不幸而死則死禍福在天吾何畏焉 宣廟之待退溪禮遇甚隆退溪造朝甚稀未亦卽歸或問之曰主上之待公無

無異於昭烈之待武侯而未當久留何也曰唐虞之際君臣
契合千古罕比而猶有都兪吁咈之辭今者主上於老臣
之言不問可否輒皆從之吾是以不敢留耳兩公處身之不
同如是而俱為正人則同

公私間見

金安老憑藉公主勢欲割據壺串牧場鄭相光弼為司僕提調
執不可曰國家牧場之地決不可割給勢家待光弼死後為
之安老竟誣鄭相遠竄受牧場及其被罪鄭相還叔之

東閣雜記

林錦湖亨秀字士遂南原人能文章善射美風儀少時赴會試
至公州錦江見洪相還杖流遠方瘡甚血流曰吾聞洪公一
代士類今無罪遠竄朝廷之有小人可知為士者何忍為赴
舉計耶遂回馬同行者力挽終不聽洪公於卧輿呻吟聞此
言心神灑然浚當乙巳禍賜虎

野言

文定王后垂簾陳復昌與李芑等締結方在左腹之寵特賜藍
段帖裏又書御書四大字以寵之復昌遂開大宴于家以其
四字為障而垂之堂一時名類皆與焉尹絜長源為修撰入
直辭不赴昌以其腹心代直而強致之赴宴佯醉嘔於復昌
之衣昌以手拂拭而深啣之人謂之曰公何吐酒陳令公衣
乎可往謝之公曰奸人之酒豈可留置吾腹中乎且其受賜
衣不合奸人身上故吐之昌聞而劫盜一日詣闕告變即拿
鞫又鞫公之弟浚平生喜酒性又恇懦昌使獄卒之間直
者強勸美酒曰醉則杖毒不入又令執杖者猛下五六度附
耳潛語曰修撰已承朕杖配公州公何獨忍杖死於片時耶
果誣服夜行刑公連受三次兩膝皆碎肉無完者一招外開
口不言至受八次而死當載車而出也其妻哭于路伴作

者索價公顧妻曰雖給之不死乎作作怒殺之極其慘妻與

之衣乃斬之

長貧胡撰

有一上舍生請書其先墓碣於成聽松其文乃李季甸所撰也

先生默閱良久曰子識李季甸所為乎曰不知也曰許詡傳

有此人遂不復言若無可否而至於斷以義理則有凜乎不

可犯者

本傳

李慶為相時副提學沈義誼往拜公曰副學為何事來義誼曰

以歲時故來耳公曰三司長官來見三公則人必聞而駁之

後勿來見云蓋國法三司之官不為投謁於三公所以自重

而亦以重禮貌也前輩風采可見

類說

政府掌樂官朴時亮嘗於朝會時值路泥看分大套富譯張某

造家用附椽皆國制所禁金清陰憲為都因兩人將治之時

亮素獲習於吳楸灘來乞命吳公曰雖吾子犯法金公必不
容貸敢圖囑汝乎終不出一言兩人終不免於形訊金公之見憚
儕流如此有一公子造山亭用圓柱聞金公為都憲卽削而
方之亦國法之所禁公私聞見

李澤堂嘗赴宰相家婚會新郎將入洞主人請曰相公福祿無
比願燃燭公正色公曰燃燭乃老婢之事卿宰豈可代之乎
不敢聞命主人有慚色上同

金判書時讓嘗奉命巡嶺南有一邑稽誤失期傳致鄉所將杖
之忽有自外突入者以身加於鄉所臀上稱屈屢三乃金女
婿李道長而鄉所則李之叔也父公叱曰吾豈因一女婿廢
國法命羅卒推去而杖之李卽判書元稹之父而官徑翰苑
王堂未升繇王而歿上同

趙樂靜嘗赴某宰小集某宰言家弟作宰者為老兄自官備來
若干需與諸公做一歡耳樂靜正色曰既無赴遠餞行之事
而費公物設無名之饌父兄宜禁之何為受而享耶我不可
助其尤也終不下箸而歸滿座不樂而罷上同

按樂靜之事雖薄情而此所謂鐵腸也細事如此何大事
之不可做也噫一人作宰舉族噬食盡以樂靜之事一聞
之也

李西河敏叙嘗與竹西敏迪送燕行於西郊歸路少憩於華慕
館譯官張炫入謁願獻小饌俄有兩夫舁巨盤入諸公欣然
竹西幾下箸西河從傍掣臂曰兄且徐之士大夫取梅小人
皆由是也是錢其儕流之餘咏何可食也顧下人舁出之夢吟集

附遠色

世宗朝有一小姬寵冠後宮姬恃上眷愛以微事干請上
曰使兒女子敢發干請之言由予啓寵而然也此女初而如此
長可知矣斥而遠之公私間見

成廟為王大妃日設曲宴選內需婢五六名習樂其中一婢
色芸冠絕常目上覺之命出付父母野言

成三問有志操少時在家讀書至夜分對案呬唔忽有一處女
開門入坐絕色也公問何人對曰吾比隣居處女聞公讀書
聲不勝愛慕敢唐突耳公飲容而坐引女行大責之婢受撻
楚女出外折筍而來蹇裳露脚而立公為加數介筍女羞而
退稗官雜記

天使黃王之來也栗谷為遠接使崔簡易在城川欲試公會諸
妓曰若有瞞此老者厚賞之有一美娥請往公畫則命侍夜

必命還如是月餘妓遂辭歸公贈一絕曰旅館誰憐客枕寒
枉教雲雨下巫山今宵虛負陽臺夢只恐明朝作別難以鐵
石心腸為此清新婉麗之語與宋廣平梅花賦千載同符詩評
土亭嘗入濟州官近致寓館擇美妓薦枕指倉穀曰爾若得
幸於李公賞一庫妓異其為人必欲亂之終不污本傳

栗谷牛溪同會於李進士希參家小酌石介以一時名娼偶與
席將行酒發歌牛溪遽起座上無敢挽蓋平生不聽淫聲為

法云

畸庵集

金醒翁德誠嘗宿近闕民家其家主松岳祈禱只留一女一婢
夜向深有女子開門入坐貌頗貶言一婢熟睡故更無知者
敢來耳公據禮責而退之本以浦渚集

德量

靖社功臣方議事舉欲得宗室中有德望者時綾陽君龍行虎
步有日月之表可謂神人之主誠問於錦陽尉朴浦錦陽率
爾妄對議不相合遂與之相絕舉事日具綾城宏進曰公子
登極之後若念朴某之言將示人不廣願忘之也 仁祖曰

此是臣擇君之日吾豈介意乎後錦陽不自安若將朝夕得
罪者 上特除惠民提調以安其心 公私聞見

黃翼成喜不拘細事年高位重愈自謙抑年九十餘嘗坐一室
終日無言互問兩眼看書而已室外霜栢爛熟隣兒爭摘公
緩轂而呼曰勿盡摘吾亦欲嘗之出示之一樹皆空每食時
羣兒來集公除飯叫噪爭食公笑而已 慵齋叢話

翼成人相後寬厚無威自闕來時閭里小兒爭聚輪前牽挽使
不得行公每問之必得餅果之類滿貯袖中遇諸兒散之空

處諸兇爭相拾取公遂促車而歸然至其臨大事不大散色而為國朝名相本傳公微時過見田父駕二牛而耕問何牛勝田父不對轍畔附耳語曰此牛勝公恠問之荅曰雖蓄物若顯言優劣則豈無不平之心乎公大悟後不復言人長短事云擬言

申文忠叔舟世宗朝使日本還發對馬島未及泊岸颶風大作刷人中有一孕婦舟人曰孕婦水道所忌可投以禳之公堅不可曰殺人以求活吾不忍也翼蔽之俄而風定東國雜記

許忠貞琮狀貌魁偉

身長十一尺二寸

風彩嶷然少負將相之望不治

家淡如也年十二三與人讀書山寺有賊偷公衣鞋而去公謂友人曰君則往矣吾不可下去高枕大卧取筆書壁曰既吾衣之偷去兮又胡為乎盜鞋既偷衣又盜鞋若竊為盜先

生不取也而聞者知其非凡哭後入相 成宗朝撫言

李鐸 中廟朝名相也哭量寬洪有一武士潜私公所蓄妾：

娼也即知之即放出終不言武士姓名 本快栗谷集

李璽 嚴緇字希醇性寬厚放達 中廟朝為平安監司時金

思齋正國為獻納毀之者曰李公別構大樓於德巖上民甚
怨苦思齋駁啓曰平壤遊觀之所甲於一國不須別構樓觀
年飢民困尤非急務遂遞之後聞之只役遊手官屬架數椽
之亭于巖上未旬而畢未幾公為叅贊思齋為檢詳往謁謝
眾公置酒開懷大笑曰主張論我者爾也此則聞之誤也寧
存形迹余嘗嘉爾昆弟之志節勵無怠因稱譽於先進間公
宵次豁然待後進傾倒領畧無纖芥之嫌嘉獎敢言之士如
此 本傳

中廟朝鄭光弼務守舊規趙光祖欲復古道持議不合而哀貞
之禍光弼出死力相救人推其德量

石潭日記

中廟朝遷禧陵鄭相光弼為摠護使金安老搆鄭相罪以奉安
先后於不吉之地為誣請置重典

上命減死流金海先已

罷歸懷德村舍不意金吾即馳至家人驚惶涕泣公方對客

六博呼盧不輟俄審末減報稽首曰聖恩至矣終夜安寢明

朝束擔登道無一毫見於辭色未幾安老敗召還

東閣雜記

鄭文翼在謫時有京使夜叩棘門云吉報至矣羣奸皆敗老爺
承召有多少書札在此公徐曰姑置之卧睡如初遲明開封

人服其偉量

畸菴集

權忠齋檄嘗坐溪亭有人乘馬而歸公隱身避之婢嘗奉盤而

仆羹汚公衣不形嗔怒

行狀

溪集

洪忍齋進修撰時陪母夫人宋氏將赴親戚家婚會路有一漢
直犯轎前玩弄婢子窺見轎中頑悖十分公問汝^是何人其漢
咆哮曰我是張政丞宅奴也問我何為張乃中廟朝名相
順孫也公陪母夫人還家即馳見張相具道所以相國低呼
侍婢耳語數款而已公心懷大憤而無可奈何辭退相國曰
姑留之俄而婢子來復數語而公遠莫之聞也相國乃曰君
可去也公忿忿出來欲乘馬路臺前有覆苫之物相國家蒼
頭跪曰奉大監命殺眾漢矣以手抽苫乃作拿之漢也公竦
然歎曰相國不大聲色而除去頑奴截然剛直毅然嚴威真
真宰相也

諛聞瑣錄

尹文度淮字清卿少時嘗投逆旅主人不許止宿坐於庭畔主
家兒持大真珠出來落於庭中倚有白鵝即吞之俄而主人

索珠不得疑竊^公傳之朝欲告官公不與下只云彼鵝亦繫
吾傍明朝珠從鵝後出主人慚謝曰昨何不言公曰昨若言
之主必剖鵝覓珠故忍辱而待^{本傳}

辛頌祖性寬緩嘗修史春秋館與下僚同事筆硯下僚忽遽間
顧吏高聲曰語辛頌祖將硯水來旋卽慚赧低頭不能仰視
公遽前執手曰我輩少時失言於先生長者之前豈止此耶
卽呼酒來滿酌對飲人服其弘量^{本傳}

丁贊成玉亨爲直學時於路中逢一使酒者打執鞭者批頰無
數其邱雖見曳而猶不釋鞭公隨見曳而來或東或西良久
終不怒使酒者力疲解去五六步復來拜馬前曰大人終作
政丞公亦不問後登台司與尚相震同監仁廟胎峯于嶺
南咸昌倅兩相舊知也來謁而醉失溺流于座公指尚相使

見之相視而笑返慶尚之路二公終不言尚相歎服以為不
戲人少事如此况大過乎云

清江小說

李無彊者締結奸臣劾兵判李浚慶後無彊竄慶源李公以巡
邊使過去郵卒指城中矮屋曰此無彊所舍也公厚遺食物
人有哂其以德報怨者公曰非施惠也見其困窮憫惻之心
自然不能已云

東閣雜記

李新菴俊民為寧越倅時有一書生請曰方讀書雉岳山願得
三年糧公不問其姓名而與之復告以運致之為難即使人
輸送後公掌西銓其佐貳者曰我曾是乞糧書生也

本快是
窩巢

李三宰浚民初入玉堂時權倖李樛為副學沮公甚公甲子為
江界府使時李樛新敗謫境內公持酒往見樛不勝感慨指
畫屏請留詩公即書一絕曰千尋古木連雲起數朶叢篁繞砌

深棲鳥不猜飛鳥樂歲寒相對却無心襟懷埋蕩如此

本快

尚成安震為人寬厚度量洪大平生未嘗言人過有一人短一足客以為言公曰客何言人短處宜曰一足長當世以為名言吳祥少時作詩曰羲皇樂俗今如掃只在春風盃酒間公覽之歎曰余嘗多吳生以為大成何其言薄耶即改數字曰羲皇古樂今猶在者取春風盃酒間四字之間氣像懸絕

野談

李完平元翼初入臺以簋簋不飾彈尹海原斗壽後李公因事往謁海原無幾微色留與語曰貧族之遭喪行昏者皆責其於我為副其頂凡有饋遺不得不領受臺啓之發所理宜然吾何介意酬酌良久言皆由中適有鄉族書乞昏需尹公命侍婢曰曩日譯官某有所餉延段甫其取來婢入而復還曰本

無是矣公笑曰婦人輩以公在座欲諱之耳促令取出金封
畀之畧不動色李公服其偉量終身敬重上同

鄭西川崑壽為判義禁鄭水竹昌行為同義禁因監杖武人之

犯賊者有一郎駭其杖之不猛曰王府之杖固如是乎鄭公

曰年少僚宰之固言是矣而王府乃士大夫就理之所也重杖

賊武快則快矣一成規例則豈非吾亦不免之悔耶其人深感

公私
聞見

光海時有鞠獄鄭判書廣成於被鞠者毋論貴賤申暴於力所

可及處又前後陰活者未知其幾而未嘗以德色示於家間

故子弟亦不知崔大憲有源門巷相對揣而知之語人曰有

德於人而不欲使人知之者惟見鄭公一人而已上同

金判書蓋國為戶判時有進銀中朝事公敬其事不委下吏親

自監封有筭負一人潛取一塊人無知者獨公覺之而佯若不知即命罷坐曰疵病欲發不可久坐命置其銀於一房使其筭負守之待明日開衙以封吏自念銀不準數咎將歸已不得已還置其中明日監封無欠縮後十餘日不彰其罪以微事遞其任人稱弘量

於于野談

李适之亂張玉城晚以都元帥至平壤立白旗招降卒別將一隊自賊歸順晚輒引入室中語之曰能刺我如其不能聽我調用人服其量感泣願死

日月錄

金判書壽賢寬緩不苛崇禎壬申

仁穆大妃國哀各司例造

白布帽以分而期促工少未及畢造吏以金公必不罪我也以其先造者盡納左僚及下官之喜捶挺者金獨以紙帽成服笑曰柔善者爰罪

公私聞見

金監司澄久在臺閣洪相重晉自末入閣時屢遭其彈邂逅於
同春宋公家金謂洪公曰公取友能得如吾者數人公可為
得極盡之人洪公大笑曰君之玉成于我者多矣誠可感幸
而俗語云雖好歌每聽則厭聽君之彈我迄可止矣同春曰
宰相之寬洪如此國家之福也

上同

恬雅

孟文貞思誠清簡端重在相府持大體性解音律常持一笛日
弄三四不喜接賓夏則坐松陰冬則坐蒲茵左右無他物有
稟事者令人開門去則閑之

本傳

柳文貞寬位極人臣而清貧恬雅對賓設酌必以濁醪瓦盆置
於階上一老婢以一沙鍾進酒各飲數盃而罷振衣者至集
教誨不倦

本傳

河文學演 世宗朝名臣也燕居時常着角烏帽焚香靜坐日吟哦嘗在春坊作詩手寫之浩亭歎曰河文學作而河文學寫亦一人間寶玩也 野言

鄭貞節甲孫身長美髭髯咒量寬裕久為宰相而清貧孤苦布被蒲薦處之晏如也每進言不避權貴嘗論河相演崔判書俯用非其人請鞠之 上怡顏解之出外二公流汗公笑曰各盡厥職非敢相害也 慵齋叢話

成時壽 端宗朝人不仕以漁釣自娛有詩曰把竿終日趁江邊垂釣滄波因一眠夢與白鷗飛萬里覺來身在夕陽天令令人吟賞而想為人 本傳

韓世倫 成宗朝人淡於宦情晚年家居一日風雪寒甚公卧聞曉路喝道聲語其子曰布被土床此亦足矣彼人良苦其

恬靜如此

栗谷集本狀

權文順弘早稱文翰位至極品享年八十七嘗卜宅南山陞鑿
獲池種蓮幅中藜杖逍遙自適洒然若神仙

本傳

中廟朝魚斯文得江字子遊晉州人有文學雅致自登第後每
乞外郡性恬退不就華要構小屋于山水之間絕去家累只
率一小僮畧供朝夕淡如僧居與人語雜以謔浪

野言

沈逢源字希容

中廟朝人弱冠進士晚年登第以直提學

明

廟朝升嘉善節省飲食飲養真源築室華山之麓寓興花卉

愛老松扁其堂曰友松自號曉窓老人日嘯傲其中杜門謝

客人罕見其面親戚至則一琴一歌未嘗不娛雖不飲必進

一杯以為適杖屨苔階以逗閒白髮蒼顏完如山澤之癯家

貧仰哺於祿每慚無事而食言及若無所容

栗谷本狀

晦齋李公卽吏判孫公重敦之甥侄也李公在鄉讀書不求人
知故世無知之者及登第人謂之寒門屬於校理書館人語
孫公曰槐院諸人若知李某之為公甥侄則必當首舉而公
終不開口以明之何也曰吾甥志尚不苟若藉吾吹噓而發
揚之則必不肯仕吾是以不言公私聞見

金思齋寄黃校理汝獻書曰君之營作不輟之事不如停之順
天耳人生世間稀年為上壽假令吾與君得享上壽所餘不
過十年何苦勞心以取歟之詬乎僕二十年處約之中營
屋數椽田數畝冬絮夏葛各數件卧外有餘地身邊有餘衣
鉢底有餘食挾此三餘高卧一世雖廣千間玉粒萬鐘綺紈
百襲視同腐鼠恢々有餘聞君之衣食第宅百倍於吾豈可
更不知止蓄無用之物乎所不可闕者惟書一架琴一張友

一人屨一簍迎睡一枕納涼一窓負暄一楹此二五雖煩不
可廢一此外何求驅馳困苦之中每念舊壑之中二五滋味
不覺歸興飛動抽身無暇奈何惟吾知己諒之
松窩雜記

退溪嘗坐山堂適於前郊有騎馬而過者或曰異我是人過此
而不下馬生先曰騎馬者如畫裏人只添一箇奇勝耳何過
之有退溪言

退溪嘗入京寓西城內左相權轍來見先生具飯待之淡饌薄
味不可食而先生若啖珍味權公竟不下箸退謂人曰從前
養口體到此甚可愧也先生嘗曰我真福薄耳啖厚味則如
痞滯不安必啖苦味然後方利腸胃云上同

洪聖民清操出倫簡素淡泊雍容恬靜不假修為於世浮華侈靡
漠然無一動於中棟宇歌頌瓶罌懸磬而居之泰然河漢君

宣朝大王之母兄而於公為姻從兄見甚至終不一接也

本傳

柳學諭彭老字君壽居王果性至孝登科後無意於仕進人勸之仕則曰吾祿不欲仕不可以力致蠅營狗苟祿余本心其恬於勢利如此人莫知其賢屏居田間十餘年壬辰隨高霽峯死於錦山

湖南義錄

附休退

李青海之蘭有開國功上疏乞骸曰臣遭遇聖主誤忝司命南征北伐監殺甚多鐵冠之寵雖極地獄之禍可懼伏願祝髮以免冥報即日上寺被緇謝絕家事不以世累關心以終天年殆與子房之從赤松彷彿冰韓彭輩所可企及也

長貧胡撰

魚癡甲字子先咸從人官至直提學每恨歸養之晚忽呈辭還

鄉有詩曰謝病歸^來二室幽荒涼草樹古池頭若余豈避功名

者只為慈親不遠遊無一毫干^干真清世一間人也申叅判
檣謂公子孝瞻曰吾與乃翁密約歸養乃翁決然而余則負
約多慚^{本傳}

鄭宗榮字仁吉官至吏判乞退原州祖送車馬不可勝數既還
鄉親戚莫不提壺挈榼娛樂歌舞殆無虛日自奉儉約布衣
緜帶淡^然如一寒生多少疾病清心寡欲節食服藥遂為無病
之人客顏渥丹精采不替性不好博奕緣以按節四道尚書
六部^致奉公夙夜不懈

朴治川紹深於學問專精讀書退居陝川年四十二而卒南歸

時吟一絕曰名利前頭路幾千却來江上有漁船一心似水

收吾內萬事如雲只付天恬於榮利素位無怨者可想^{上同}

李知樞賢輔七十後休官等愛日堂於洛江之上為奉親遊玩之所自弭聲巖浪放山溪間每以遊山小具自隨或穿林陟高或傍野巡溪其遇可人與一水一石稍清陰處必班荆而坐得意欣然飲酒不過三兩杯風神蕭洒片韻爽逸無一點富貴塵埃氣又好遊僧舍江閣短棹往來令侍兒歌漁父詞以寄興有遺世獨立意

退溪集

宋三宰純之庶叔每曰職居宰相吾見出西小門不見出南大門者蓋言仕宦者至死不退故也公每嫌其言及其自向城納節而歸也語叔曰吾今出南大門矣

識小錄

尹月汀少時以黃筆紙請書法于退溪先生惟寫邵康節荅富鄭公之荅蓋富公勸康節從宦而康節不願仕之作也所書皆愛閒不趨名利之作尹公嘗曰先生豈預知我愛官不肯

退而加針於頂門上耶又嘗曰牛溪每勸我休退余謂無田
可歸牛翁曰雖無可歸處若勇往決歸則亦可食貧諺曰生
人無蛛網罨口之理真格言也云

月行漫筆

慎副學天翊弢素隱於光海壬子登第而時值政亂不樂仕宦
連在散地見仁祖改玉以為重見清明之世可以彈冠旋
見勲臣主張光海時未唱名兩榜改試為一榜而元勲子得
叅以為新改之初勲臣弄權如此前頭之紊亂可知退居鄉
典不應召命及孝廟即祚乃曰生不識吾君之顏大虧臣
之分義為之入京一瞻天顏而歸

公私間見

仁廟朝趙蒲渚以領中樞決退上疏乞致仕安公邦俊以書相
賀手製草屨以寄之

南溪集

